

## Tur hende riba caya sin permiso ta bira sospechoso



Pagina 3

- **Pashent na Hulanda no por bolbe Aruba**  
Pagina 2
- **Cinco caso positivo y 381 den cuarentena**  
Pagina 2
- **Illegal lo haya oportunidad pa bandona Aruba**  
Pagina 3

Pagina 3

## Gobierno negociando pa trece piscadonan bek



Pagina 3



Pagina 9

## Pakete di emergencia pa Caribe Hulandes



Pagina 18

## Flambeu Olimpico ta yega Hapon

*Mirando cu Colombia a cera frontera*

## Merca a bira un opcion pa manda pashentnan di AZV



**ORANJESTAD – Minister di Salubridad Publico, Dangui Oduber a informa cu Merca a bira un opcion pa manda e pashentnan di AZV cu mester di atencion medico den exterior. Nan a bin cu e opcion aki, ora cu Colombia a anuncia cu ta cera su frontera pa tur persona cu ta bin for di exterior, sin excepcion.**

E minister en cuestion a cualifica e decision aki como un golpi duro pa nos, ya cu Colombia ta nos proveedor principal di cuida di salud pa e aseguradonan di AZV. Aruba ta manda mensualmente entre 100 pa 150 pashent pa Colombia pa tratamiento medico. Nan a haci esfuerso na nivel diplomatico halto pa haya un excepcion for di gobierno di Colombia, pero no tabata posibel.

E mandatario a bisa cu esfuerso diplomatico a wordo haci y te hasta directamente el a logra papia cu Secretario di Salud di Merca, Alex Azar -kende el a yega di conoce den pasado- pa facilita cu e pashentnan di Aruba por wordo manda pa dos institucion di salud na Miami, Florida. Logicamente e pashentnan cu lo wordo manda no mester ta contagia cu coronavirus.

E opcion aki lo keda habri, te ora cu gobierno Mericano di presidente Donald Trump no ta dicidi di cera su frontera totalmente. Sinembargo mirando e desaroyo cu ta tumando luga den henter mundo, ta existi e posibilidad cu Merca lo cera su frontera tambe.

P'esey gobierno di Aruba pa medio di AZV ta sigui explora otro destinacion, entre nan Costa Rica, pa manda e pashentnan di AZV cu mester di cuida medico den exterior, asina minister Oduber a laga sa.

*Mientras cu 65 pashent di AZV a keda Colombia*

## Pashent cu ta na Hulanda no por regresa Aruba aworaki

**ORANJESTAD – Seguro Medico General (AZV) a informa cu un grupo di pashent local cu a wordo manda pa tratamiento na Colombia a wordo treci bek pa Aruba cu aprobacion di nan specialista.**

Mientras cu otro grupo lo keda na Colombia pa sigui nan tratamiento, segun recomendacion di nan special-

istanan. Representante di AZV, Lucy Laclé-Strijdhafitig a bisa cu ningun pashent cu ta na Colombia no ta bin Aruba, si medicamento e no por. El a bisa cu 65 pashent a keda Colombia. E cifra total ta bira dobel, kiermen alrededor di 130 persona debi cu nan ta bay cu nan respectivo acompañante. Si nan no ta haya aprobacion nan no por bin bek Aruba, pasobra nan

tratamiento no por wordo interumpi.

Laclé-Strijdhafitig a laga sa cu no tabata facil pa trece nan for di Colombia, mirando e cancelacion di vuelo cu tin debi na e medidanan cu a wordo implementa. Den e delaster dianan AZV a haci hopi esfuerso, te hasta a wordo haci uzo di vuelo charter, pa trece mas tanto pashent posibel for di Colombia.

Ayera 20 pasahero a yega abordo di e vuelo di Avianca. Nan ta pashentnan cu a bin for di Cali, Bucaramanga y Bogota. AZV a laga sa cu e pashentnan cu a regresa Aruba, tur a conta cu aprobacion di nan specialistanan cu ta trata nan no solamente na Colombia, pero na Aruba tambe. Na momento cu e pashent aki tin cu regresa, AZV lo manda nan na e mesun clinica y ciudad, unda nan a bay inicialmente.

AZV a informa cu lamentablemente e pashentnan cu nan tin na Hulanda, nan no por trece nan bek. Pa motibo cu e vuelo pa awe no ta bay sosode mas, debi cu e frontera ta cera. Igualmente nan tin algun pashent na Merca, caminda AZV lo haci tur esfuerso pa trece nan bek prome cu Merca lo cera su frontera pa vuelonan comercial.

## Te ainda 5 caso positivo di coronavirus pero 381 den cuarentena

**ORANJESTAD – PR di Departamento di Salubridad Publico (DVG), Jurette Croes a duna un update di e casonan di coronavirus registra na Aruba. For di diahuebs e casonan positivo di coronavirus no a aumenta.**

Ayera nochi Prome Minister, Evelyn Wever-Croes a confirma cu te aworaki tin 5 caso registra positivo, tres local y dos turista di Merca. Un di nan a bay su pais bek. Tur pashent isola cu coronavirus na Aruba, nan estado di salud ta bon.

DVG a informa cu 133 test a wordo haci di cual 124 ta negativo. Tanten e cantidad di persona den cuarentena a subi. Diahuebs tabatin 127 persona den cuarentena y el a bira 381 persona den cuarentena awe.



*Minister di Husticia Andin Bikker tocante toque de queda:*

**‘Tur persona cu ta riba caya sin permiso, obviamente ta bira sospechoso’**

**ORANJESTAD – Ayera mainta, minister di Husticia Andin Bikker a ofrece un conferencia di prensa pa e medionan local pa splica tocante toque de queda cu lo cuminsa awe desde 9or di anochi te mañan 6or di mainta, esaki lo keda implementa te 31 di maart.**

Den e cuadro aki, el a trece dilanti cu e motibo cu nan a dicidi di implementa esaki ta cu nan a dicidi di haci un apelacion pa comunidad pa nan por coopera den e situacion cu henter mundo ta pasando na e momentonan aki y lamentablemente esey no a sucede. P’esey el a bisa cu ta yegando e ora di limita cierto libertad cu comunidad tin.

Tambe, el menciona cu loke nan kier ta trece siguridad y orden publico pa comunidad. Lo bay tin hopi polis riba caya den diano aki, asina como motor unit y helicopter si ta necesario y Mobil Command Center y diferente proceduranan cu lo wordo observa.

E manera con nan a yega pa e decision aki, Bikker a comenta cu minister presidente ta esun cu ta lidera e kalamiteit-

verordening cu tin diferente actor como KPA, instancianan como bomberonan, cu ta reuni constantemente pa nan por yega na decisionnan den cuadro di e situacion aki.

E toque de queda lo funciona desde 9or di anochi te 6or di mainta, cu un prohibicion pa hende ta riba caya. Den e cuadro ey lo tin cierto excepcionnan pa KPA, personanan cu ta encarga cu orden publico y esun cu ta encarga di siguridad nacional.

“Solamente lo tin excepcion pa hende cu ta traha cu boticanan, Web, Elmar, Setar, APA, ANSA, asina como tambe ministernan, e personanan aki mester tin un badge, carchi of permiso pa nan por ta riba caya den diano aki”, Bikker a sigura.

Tambe el a menciona cu diferente funcionarianan semper mester tin su badge of un tipo di declaracion cu nan tin permiso.

El a splica cu segun e desaroyonan lo ta bayendo y team operacional ta traha, nan lo evalua di dia pa dia con e excepcionnan aki lo funciona; tur esaki ta depende di con



pueblo ta reacciona.

Bikker a expresa cu ta importante aclaria cu na ningun momento nan tin e intencion di limita e libertad di ciudadanonan. Sinembargo, door di e calamidad sin precedente den henter mundo ta pone cu nan mester tuma e pasonan aki, cu no ta pa molestia ningun persona, pero tabata necesario pa trece tranquili-

dad y limita e posibilidad mas hende contagia cu e virus.

Cuerpo policial lo tin hopi patrulla riba caya, pa monitor e toque de queda aki. Na final tur persona cu ta riba caya cu no tin un permiso, obviamente ta bira sospechoso, pa motibo cu lo tin menos trafico riba caya y hende lo no mester ta ambulante riba caya.

E obhetivo ta pa e personanan cu mester bay trabou tuma e destino mas corto pa yega na e destinacion di trabou. Por chempel esunnan cu ta traha den un instancia cu ta draai continuamente y cu ta un excepcion, e intencion no ta pa cana riba caya den oranan di anochi.

**Gobierno negociando situacion di tres piscado cu ta na Venezuela**

**ORANJESTAD – Varios siman pasa, Aruba a conoce e caso di un piscado cu a sali for di Aruba cu un grupo di amigonan den boto y el a perde den awanan teritorial di Venezuela.**

Diano despues, e tres amigo a dicidi di sali for di Aruba cu boto y bay busca nan amigo, pero nan a drenta den awan-

an di teritorio Venezolano di manera ilegal. Esaki a causa cu nan a keda deteni na e momentonan ey, y cu aworaki nan no por bin Aruba bek.

Tocante esaki, nan famia a haci un declaracion den un medio di comunicacion, indicando cu nan ta buscando ayuda y sosten di comunidad pa manda placa pa e piscadonan cu ta na Venezuela y

asina nan por mantene na e momentonan aki cu e situacion di coronavirus y cu e fronteranan ta cera.

Di mesun manera, ayera atardi durante e conferencia di prensa di minister di Husticia, Andin Bikker y posteriormente esun di minister presidente Evelyn Wever-Croes, Bon Dia Aruba a puntra con ta sigui cu nan situacion, mirando cu nan a keda involvi den un problema hudicial ora nan a drenta ilegalmente na teritorio Venezolano, y cu nan famia mes a pidi den un carta pa minister Bikker yuda nan resolve nan situacion.

Tocante esaki, Bikker a informa cu ora un persona sali for di frontera di Aruba, e contacto cu otro pais, den caso aki Venezuela ta bay riba nivel diplomatico consular. “E relacion cu Venezuela ta sumamente delicado” y den cuadro aki el tuma contacto cu famia y nan mester resolve

esaki via Relacionnan Exterior.

Wever-Croes pa cu e caso aki el a splica cu e situacion ta hopi complica y cu a pesar di

e crisis na e momentonan aki, nan ta tumando accion den esaki pa asina nan por bin bek na Aruba.

**Hende cu no tin status legal lo haya oportunidad pa bandona e isla**

**ORANJESTAD- Den un conferencia di prensa Minister di Husticia, Andin Bikker a trece dilanti e topico di admision di hende na Aruba, un estimulo cu Gobierno lo bay trece pa hende cu no tin nan status na ordo.**

Hende cu ta ilegal, cu no tin placa pa paga pasashi y cu tin cu bandona Aruba, minister a informa cu nan a haya fondonan for di Hulanda pa cu esaki y duna e oportunidad pa bay su pais bek y asina reduci tambe e cantidad di hende cu ta riba e isla cu no tin nan status na ordo.

El a recorda cu “Nos pais a yega te na su limite y den e proceso nos lo duna un oportunidad pa boluntariamente nan por bandona nos pais”.



## A pidi extra stock pa traha pan pa 4 luna



**ORANJESTAD – Situacion di coronavirus na Aruba ta pone cu persona ta preocupa pa e posibilidad di falta di cuminda. Asociacion di Panaderia ta bisa cu nan ta den bon comunicacion y prepara pa cualkier situacion cu**

**yega.**

Miguel Nucette, director di Bright Bakery a duna di conoce cu nan a pidi proveedor di afo pa manda 'extra stock di cuatro luna'. Pues pa pueblo mantene calma, pasobra nan tin suficiente pan. Pan pa

suministra pa supermercado, minimarket y nan mesun localidad cu ta habri. "Nos bentana ta habri di 8or di anochi, pa persona por warda den auto y ora wak cu no tin hende, por baha y haya nan pan. Esey ta un manera mas sigur."

Otro medida cu nan a tuma ta den tienda a kita stoel cu mesa, cu hende no mag sinta actualmente pa disfruta. Nan ta laga maximo 8 persona drenta pa haci nan pedido. Den e area pafo nan por sinta, pero e mesanan ta poni leu di otro.

Tur otro medida di cuida tambe a tuma pa cada empleado tin nan mask pa nan cara, glove, handsanitizers (tambe pafo pa cliente cu drenta por haci uso). Nan ta informa pa cada persona cu ta malo no bin trabou y tuma AO (meld ziek).

Pa locual ta trata producto mes, a haci e pedido pa importa. Nan tin e capacidad pa henter pueblo di Aruba, pues ta pidi pueblo pa nan 'keda tranquil cu lo tin pan na Aruba'. Tur ta trahando hunto y pendiente di decision cu gobierno ta tuma, pa cumpli cu esey.

Normalmente nan ta cera 8or di anochi manera gobierno ta pidi. Sinembargo e bentana cu nan tabata cera pa merdia,

awo a dicide di laga habri te cu 8or di anochi, pa asina hende no mester cana rond paden.

Pa locual ta trata e panaderianan rond di Aruba, nan tur ta den palabracion hunto. "Ta pidi pa comunidad keda tranquil. No ta bay tin aumento di prijs di pan y suministro y tur cos ta keda mescos", el a bisa.

E asociacion lo keda informa si tin algun cambio, pero ta keda pendiente di locual gobierno ta bisa. Nan ta keda recomienda pa tur hende keda cas. Sinembargo ta pidi pa cliente cu yega panaderia preferibel warda den auto pa e luga no yena y luga keda mas tranquil (den cualkier luga cu bay) 'ban yuda otro'.

Nucette tambe a comparti tocante e situacion di entrega, den caso cu yega asina leu cu nan lo mester haci entrega (delivery). El a bisa cu nan ta entrega actualmente pa tur minimarket, supermercado y snack cu ta pidi for di nan. Si yega ley cu ta ricibi yamada, nan lo manda auto pa hende no tin cu bay leu.

### *Sindicato SIMAR:*

## Maestronan kier mas claridad pa por traha

**ORANJESTAD – Sindicato di maestro di Aruba (SIMAR) ta comparti nan pregunta tocante e carta cu a ricibi di e cambionan cu lo tin pa estudiante y parti di enseñanza. Nan kier mas claridad riba e puntonan di carta.**

Presidente di sindicato SIMAR, Josephine Martilia Albertus a bisa cu ta 'un lastima' cu no ta wordo envolvi den e toma di decision pa cu medidanan cu ta afecta e parti enseñanza. Tin diferente maestro cu tin incertidumbre cu tin y no por contesta pasobra nan no ta haya e informacion cu mester.

Sindicato a ricibi 'via a via' un carta. E carta a wordo manda dia 17 di maart ultimo. Nan a tuma contacto cu Directie Onderwijs. Ayera 19 di maart nan a haya otro carta di Inspectie Onderwijs. Nan a tuma nota di locual tin den e carta, caminda ta skirbi e situacion cu tin di crisis relaciona cu coronavirus.

Sinembargo Albertus a bisa cu den situacion di crisis mester percura pa muchanan

por haya nan enseñanza, 'esey no por wordo perhudica'. "Nos tin di bisa cu minister ta papiando di plataforma educacion digital pa medio di film instruccion."

Pero cu esey tambe ta bisa cu tin hopi mucha cu no tin internet na cas, no tin computer y tin mayornan cu no ta domina idioma Hulandes of e materia si den caso e muchanan tin pregunta, of no sa con pa atende cune.

Nan a wak tambe cu minister ta urgi pa schoolbesturen ora pidi pa docente pa mantene nan mes y zorg pa salud di docente ta na prome luga. E ta bisa cu mester tin den klas habon, handsanitizer y evita aglomeracion di docente.

E ta agrega cu tin algun scol ta haci e bon, pero algun otro scol no ta bay manera mester. Ta urgi pa directiva tene nan mes na mandato cu ta haya di nan minister. Si docente ripara cu no ta bay manera mester ta, nan por tuma contacto cu nan sindicato pa wak con ta cana e caminda pa haya informacion, pero semper 'salud ta na prome luga'.

Nan ta compronde cu ta un situacion fastioso pa motibo cu tambe tin examen. Inspectie Onderwijs ta duna scolnan flexibilidad pa tin tempo pa schoolexamen. "Tur cos mester ta afgerond prome cu central examen. Pa tin tur cifra aden pa e estudiante sa con nan ta para. Tambe pa Inspectie Onderwijs tin tempo pa por tuma papel y check tur cos ta bon."

Den caso di examen ta pidi aclaracion riba e distanciamiento social, cu ta 1.5 meter; pero local ta grandi y por hinca 100 alumno cu un distancia di 1.5 meter. Pues mester evita tanto persona den local? E ora cuanto cantidad maximo?

Tur esey ta punto cu sindicato kier contesta riba dje pa nan ta claro. Tambe ora un local caba cu nan examen lo sterilisa esaki despues cu team pa cada local? Tin ekipo pa esey? "Tur e pregunta ta surgi y mester contesta."

SIMAR ta manda carta pa minister di Enseñanza Y Inspectie Onderwijs pa bin

claridad na nan docente, pa asina nan por sigui traha. "Mester e claridad riba kico y con, pasobra salud ta na prome luga."

Ta keda enfatisa cu ta situacion fastioso; sinembargo no por perhudica enseñanza. Mester purba di traha hunto teniendo na cuenta e parti preventivo, mantene distancia y cosnan cu por wordo

haci. "Cada docente sa di e situacion di cada alumno na cas, si mester yama of manda un e-mail pa contesta."

Nan lo manda contesta di minister concerni y inspectie pa asina tin mas claridad riba nan asunto. Cualkier docente cu mester informacion lo mester tuma contacto cu sindicato y keda zorg pa yuda e muchanan.





**Editor**  
 Caribbean Speed Printers N.V.  
 Aruba Bank N.V. Acc. #332668  
 Caribbean Mercantile Bank N.V.  
 Acc. #23951903  
 RBC Royal Bank Acc. #1330772

**Ass. Dir. Ehecutivo**  
 Xiomara Arends

**Redaccion Ehecutivo**  
 Leo Maduro (hefe de redaccion)  
 Nicola Gonzalez (redactor ehecutivo)  
 Pilar Flores (redactor ehecutivo)

**Redaccion**  
 Benjamin Romero  
 Kenna Hernandez  
 Andreina Morillo

**Departamento Digital**  
 Juan Luis Pinto

**Ehecutivo di Benta**  
 Sulaika Croes  
 email: sulaika.croes@cspnv.com

Linda Reijnders

**Aviso y Arte**  
 Sandra Loefstop  
 Lisa Tromp  
 Shannon Geerman

**Administracion**  
 Mariette Engelhart  
 Martha Arteta de Ariza  
 email: accounting@bondia.com

**Distribucion**  
 Jenny Kelly

**Coleccion**  
 Evelinda de Cuba - Tromp

**Pre Press**  
 Luis Fernando Arenas (Hefe)  
 Pablo Libre

**Press**  
 Roland Schenker (Hefe)  
 Omar Ramirez  
 Martin Boekhoudt  
 Francis Dirksz

**Colaboracion**  
 Luis Villegas  
 Associated Press  
 Ret Karibense  
 Upload Media Aruba

**Afiliacion**  
 Sociedad Interamerica  
 di Prensa (SIP)

**DIRECCION**  
 Adres: Weststraat #22  
 Tel: 582-7800 / Fax: 582-7044  
 Email: noticia@bondia.com  
 aviso@bondia.com  
 Website: www.bondia.com  
 Facebook: @bondianoticia  
 Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



# Editorial

**Prome siman di crisis...**  
*Hopi trabao y cos pa drecha...*

Na final di e prome siman di emergencia nacional grandi no ta kizas e momento pa haci un evaluacion riba tur aspecto, pero tin varios punto cu nos por ilumina unda por ehemplo mester mas claridad. Laga nos cuminsa bisando si cu ta haciendo hopi trabao cu e mihor intencion y consciente tambe di e necesidad, dunando hopi informacion a traves di e ruedanan di prensa. E posibilidad pa haci pregunta via digital, sin e presencia fisico di prensa en general ta un manera cu ta funciona hopi bon.

Loke mester mas ahustacion ta e contesta riba cierto pregunta cu ta keda bolbe y ta haya mesun contesta cu no ta satisfice. Un ehemplo di esaki ta e situacion di e personanan cu a haya notificacion na aeropuerto, na momento di drenta Aruba den e ultimo dianan. Berdad nan a ser notifica di e necesidad pa bay den cuarentena, pero no tin comunicacion ni informacion kico esey ta encera. Nos profesionalnan ta aparentemente di e pensamiento cu cualkier ciudadano na e mero mencion di e palabra ya a comprende exactamente kico e mester haci y kico ta loke ta estrictamente prohibi pa haci. Si no ta dedica atencion na e aspectonan aki, na e prome momento ey mes, o no tin un follow up a traves di bishita na cas di e personanan aki, nan ta liber pa haci loke nan ta haya ta bon. Ta facil pa bisa den rueda di prensa cu e personanan ey mester carga nan propio responsabilidad, pero cu esey no ta resolve e problema.

Por ehemplo, un persona ta yega na aeropuerto, ta scucha e informacion y ta firma cu el a ser confronta cu e anuncio, pero ningun hende a elabora cune con su situacion na cas ta. Kizas e ta biba su so, e tin partner y yiu, e por tin un anciano den cas, etc. Cada situacion ta trece reto distinto pa e persona bay resolve, su so. Ki garantia tin anto cu e ta haci lo corecto, o loke ta mas recomendable den su situacion particular? Por ta cu e ta biba cu su partner cu dos yiu chikito, anto e mester warda te ora e bira malo, cu e riesgo cu e ta infecta su partner y e dos criaturanan, prome cu algo por bay sucede? Ta parce nos un poco laat pa actua. Nos a comprende tambe di persona cu nos a entrevista cu mientras tanto a transcuri varios dia desde cu nan a bolbe y a haya obligacion di cuarentena, y te awe no tabatin ningun follow up ni control. Como instancia ta basta naief pa kere cu hende ta cumpli djis pasobra na aereo-

puerto un hende a bisa cu bo mester hacie!

Nos ta contento cu ayera nochi nos prome minister a duna un poco mas claridad riba esaki, ora el a anuncia e ultimo cifranan y a haci un distincion entre cuarentena di hende cu tabata obviamente den contacto cu un persona cu a test positivo, y esnan cu ta den cuarentena 'por si acaso' presenta sintoma cu ta indica posible presencia di e virus. Pa menciona esakinan, ayera nochi nos tabata conta cu 75 persona den cuarentena cu tabata den contacto cu un di e 5 casonan positivo, y 316 persona cu a caba di yega y di ken no ta conoci si eventualmente nan tabata den contacto (den exterior) cu persona contagia. Si den e dos siman di cuarentena no presenta nada, anto nan por sigui nan bida. Naturalmente esaki no ta kita e angustia di un persona cu ta biba cu otro hende den cas y tin miedo cu ora surgi sintoma di coronavirus, ya caba e por a contagia su sernan keri. Ta aki ta unda nos ta sinti falta di mas guia na e personanan aki, loke lo yuda tambe pa nan cumpli mihor cu e regimen cu a impone riba nan, pero cu ta parce cu no tin bon continuacion di guia y control.

Otro punto cu ta keda un preocupacion ta e papel di Douane den henter e proceso aki. Nos a papia awe cu un comerciante cu tin miles di dollar di mercancia cu a yega o ta yegando, cu probablemente lo haya e label di 'no prioritario'. Pero e miles di dollar inverti ey ta bay perdi si e mercancia no sali dentro di un tempo razonable. Ken ta paga e daño ey? Gobierno? O lo ta kere cu den e situacion dificil aki e mes lo mester carga esey, y bay busca material nobo den exterior cu placa cu e no tin mas? Nos ta ripiti nos critica riba e servicio aki y ta pidi atencion di e mandatario concerni pa resolve e problemanan aki. No por ta cu gran parti di Douane ta bay di vacacion envez di trata lo mihor posible continuando trabao pa no stroba comercio, ni grandi ni chikito. E golpinan mas grandi den e crisis aki ta pa sector priva y pa e ciudadano individual. Esaki ta e momento unda gobierno por percura pa corta e famoso 'red tape' pa alivia operacion di sector priva, y de paso haci nos tur un gran favor. Esaki ta e momento pa pone fin na e legendario lentitud gubernamental.



**ONLINE GROCERY DELIVERY SERVICE**

*From the Store to your Door!*

**\$20 OFF** Coupon code:  
**BONDIA**



**STAY SAFE at Home**

**We deliver Groceries, Beverages & Essentials to your front door!**

**www.GroceriesToGoAruba.com**

**Puerto Rico: Ta registra 14 persona cu coronavirus**

(ElNuevoDia) – Departamento di Salud di Puerto Rico a confirma ayera cu Hospital di Veterano a registra seis contagio nobo di coronavirus na e isla, loke ta pone e total na 14 persona cu COVID-19.

Ta trata di seis homber y un muhe, di cual dos homber tin 65 aña di edad, mientras e otronan tin 57, 33, 37 y 71. E muhe tin 55 aña. Dos di e casonan raporta pa Veteranos no a biaha anteriormente, segun e comunicado.

E casonan nobo ta suma na un cu a registra anteriormente na e mesun institucion, loke ta pone e total na e lugar aki na siete. E otro casonan na Puerto Rico a keda raporta pa Departamento di Salud. Di acuerdo cu un relato di prensa di e institucion, e personanan hospitalisa na Veteranos ta den condicion stabiel.

E resto a haya sintoma despues di a biaha pa New York, Florida y Colorado. Ta remarcable cu tin dos adulto hoben den e grupo mencionada. Segun un estudio, hoben tin un riesgo halto di keda contagia cu e virus y por sufri complicacion a causa di esaki. Cu e datonan nobo comparti pa Hospital di Veterano, e



cantidad total di caso bao investigacion di COVID-19 na Puerto Rico ta yega na 180, cu 114 negativo, 14 positivo y

52 wardando resultado ainda. Den e mesun relato gobernador Wanda Vazquez, en vista di e casonan nobo, a

haci un yamado na e poblacion pa sigui e medidanan estricto cu a tuma pa proteha bida y salud di cada persona.

**Venezuela: Aumento di tarifa di servicio basico a pesar di crisis**

(LaPatilla) – Autoridadnan di Venezuela a decreta aumento fuerte di e tarifanan di servicio basico, manera recoleccion di sushi y telefon, na momento cu e crisis economico y di salud ta empeorando. Esaki principalmente pa e caida di prijs di petroleo, e unico producto di exportacion di importancia, y e crisis di coronavirus cu a cuminsa afecta e pais.



E medidanan ta muestra un cambio drastico den politica economico di e regimen di

Nicolas Maduro, cu desde 2019 a flexibilisa e control di cambio d divisa y prijs cu

tabata existi pa dos decada, y a permiti cu ta paga cu dolar o euro, pa enfrenta e sancionnan financiero cu Merca a impone.

E interes di gobierno pa logra haya mas entrada pa servicio y impuesto, cu a multiplica cu 30 e unidad di cobro di tributo, ta bay contra e politica di incentivo fiscal cu paisnan manera Colombia y Merca a cuminsa aplica, pa alivia e perdidanan economico cu e pandemia di corona-

virus a trece cune. Dos organizacion empresarial a pidi gobierno posterga e pago di impuesto, entre otro incentivo fiscal, pero no tabatin respuesta ainda riba nan solicitud. “Coleccion di sushi a yega na 6 miyon bolivar (US\$ 80; red.) y mi no por paga esey,” un comerciante chikito a bisa, cu tin 15 aña bendiendo keshi y cu tin problema pa bende bao di regimen di cuarentena actual.

**Venezuela: Falta di combustible ta dificulta combati coronavirus**

(LaPatilla/Argus) – Na Venezuela e falta di combustible pa vehiculo ta birando mas urgente, lagando e pais ainda mas vulnerable pa e crisis causa pa e coronavirus, cu ta plamando silenciosamente.

Aunke parti di e ayudo medico ta yega di China y di algun organizacion internacional, e escasez di combustible lo por impedi e distribucion. For sanan arma a cuminsa vigila e poco stacionnan di gasolin cu ainda tin combustible den nan tankinan pa sigura cu e suministro ta solamente pa distribucion di alimento, servicio medico y actividad relaciona cu seguridad, segun un asistente di ministro di De-



fensa, Vladimir Padrino. “No tin gasolin,” un oficial di ehercito asigna na inteligencia interior a bisa Argus. “E unico gasolin cu Pdvs tin almacena ta den e tanki-

nan di e stacionnan di servicio, y despues cu esey caba no tin nada mas, te ora yega mas gasolin importa.” Pdvs y ministerio di petroleo a priminti cu e gasolin importa

lo yega pronto, sin duna mas detaye. Pdvs ta controla tur importacion y distribucion di combustible, y e suministro tabata bao nivel di demanda durante

varios aña, pa un parti debi na e contrabanda cronico na frontera y e transferencia gratis na e aliado politico, Cuba. E prijsnan di combustible na punto di benta ta casi cero den termino real, debi na falta di adaptacion di prijs den e crisis di hiperinflacion. Tempo cu e mercado Venezolano tabata balansa y economia tabatin un base solido, e pais tabata consumi alrededor di 700.000 bari pa dia (bpd) di producto deriva di petroleo. Ministerio di salud a bisa cu ayera tabatin 48 caso confirma di coronavirus, 12 mas cu un dia antes. Pero Venezuela, mas cu resto di America Latino, ta mal prepara pa evalua o trata paciente.

## Aproximadamente 222 turista Hulandes purbando pa bay cas

**PHILIPSBURG** (thedailyherald) - Aproximadamente 222 turista, principalmente di Estados Unidos, Canada y Europa, ta ser haya actualmente den hotelnan, resorts y propiedadnan di pasa tempo na Sint. Maarten y nan ta tratando pa regresa nan paisnan de origen memey di e pandemia di coronavirus COVID-19 y e restriccion nan di biahe di cada pais.

E director di e Oficina de Turismo di Sint. Maarten,



May-Ling Chun, a bisa cu e Oficina tabata ocupa durante e ultimo dianan aki cu e hotelnan pa evalua y establece un sistema pa comunica cu aeropuerto Internacional Princesa Juliana (PJIA) y e aerolinea pa e hotelnan por coordina cu e huespednan tocante con nan por bolbe nan

pais. Chun a bisa cu e colaboracion ta “funcionando bon te cu awo”. E hotelnan, agrega, informando cu “e ta slow pero sigur”, hopi di e huespednan turistico ya a bandona e pais. El a bisa cu Sint. Maarten ta nan hogar leu for di cas pa bishitantenan di e pais, e echo ta cu no ta sigur ki tempo nan tur lo haya e chance pa regresa na nan pais, mirando e restriccionnan di biahe y cierto vuelo. “E vuelonan no lo bin bashi djis pa drencia. Esaki ta un de-

cision hopi dificil y dificil pa un pa un tempo largo y bishitantenan ripiti cu ta bini. E miho cos ta pa nan bay cas awo mes pa motibo cu nos no sa kico lo pasa den e proximo simannan. Nos mester asegura cu seguridad ta keda na prome luga pa e comunidad, residentenan y e bishitantenan tambe”.

El a enfatisa cu e strategia di comunicacion sistematico vigente ta dunando su fructonan. “Nos ta bon. Nos tin cu haci esaki y mantene nos enfoca”.

## Homber a tosa riba polis pa infectanan cu coronavirus

**AMSTERDAM**(DutchNews) - Un homber mester a presenta den corte diabierna bou e acusacion cu el a tosa den cara di dos agente policial y a bisa nan cu e tabata infecta cu coronavirus. Diahuebs durante oranan di anochi polis a detene e hoben di 23 aña di edad na Oegstgeesterweg na Leiden, cu a sospecha su persona pa ta bou di e influencia di alcohol.

El a bisa e oficialnan cu e tabata trata pa deliberadamente pa infecta nan cu e virus. E mester aparece den corte dilanti e tribunal acusa pa agresion, menasa, causa di lesionnan y abuso verbal.

Diadomingo ultimo un homber na Den Bosch a ser aresta pa a scupi riba personanan cu ta para den un rij dilanti un cafetaria, un cafe cu licencia pa bende cannabis den nan establecimiento, despues cu e gobierno a anuncia e cierre na e puntonan di benta. A bisa cu e homber a grita “



## Jet priva Venezolano a baha na aeropuerto Hato

**WILLEMSTAD** (Bonaire.nu) - Diahuebs durante oranan di a atardi un avion priva a aterisa na e aeropuerto di Hato cu a bini desde Venezuela. Segun e matutino Extra, ta trata di e personal di embahada Hulandes na Caracas.

E entrada di e avion tabata uno notable pa motibo cu e frontera entre Venezuela y Curaçao ta cera. TA ser bisa cu e vuelo tabata posible cu permiso di INAC, e organisacion di Aviacion Civil Venezolano.



## Venezolano perdi haya morto

**WILLEMSTAD** - Recientemente polis a haya un curpa drentando fase di descomposicion cerca di Oostpunt, siguiendo instruccjonnan di un sospechoso di 20 aña di edad.

E curpa tabata drumi cu su

mannan mara y un cabuya rond di su nek. E victima ta e homber Venezolano Angel Barrios Rodríguez, di 50 aña di edad, cu a disparce desde 7 di februari. Esaki ta e su seis victima fatal pa e aña aki. Polis ta investigando e caso y ta spera pa haci aresto.



**BONDIA ARUBA**  
**Pa AVISO den nos Corant**  
 aviso@bondia.com



## Martin van Rijn lo reemplasa Bruno Bruins como minister di salud



**AMSTERDAM(DutchNews) - Martin van Rijn, ministro di salud junior den number di e Partido Laborista den e coalicion Hulandes anterior, a ser treci bek den e gabinete pa reemplasa a Bruno Bruins, kende a renuncia diahuebs pa motibo di cansancio. Van Rijn lo asumi e rol di ministro di salud asina prome ministro Mark Rutte a bisa.**

Rutte a bisa cu e t contento di tin Van Rijn a bordo pa motibo cu e tabata disponible y pa motibo e tin un tremendo confianza den dje. "E crisis aki ta grandi cu e color di partido ta irrelevante", Rutte a bisa. E coalicion hulandisa actual ta consisti di dos partido liberal VVD y D66, e Democrático Cristian y ChristenUnie.

Van Rijn ta actualmente presidente di e grupo hospitalario Reinier Hage y tabata responsable di varios cambio importante den e sistema de salud Hulandes mientras cu e tabata un junior ministro. Tambe el a ocupa cargonan halto di servicio civil den e ministerio. E lider sindical Lodewijk Asscher a bisa tocante e nombramento: " Si tin un crisis nacional e ora ey yuda na unda cu bo por. Mi ta orguyoso di tur cu ta de un paso dilanti de e temponan difícil aki.

## A establece prijs maximo pa berdura y fruta na Curaçao

**WILLEMSTAD(curacaonicle) - Gobierno di Corsou a establece prijs maximo pa fruta y berdura pa aumenta resistencia di e poblacion pa coronavirus. Por ehemplo, kiwis, mandarin, broccoli y tomati mester sigui cu prijs pa asina hende por cumpra.**

Esaki a wordo anuncia pa e minister di Desaroyo Economico, Giselle McWilliam, diahuebs ultimo. Tambe a establece un prijs maximo pa productonan di higiena manera, wips desinfectante y thermometer.

Esaki nan ta latex y silicone gloves, desinfectante di man, desinfectante di wipes, y spray, alcohol (70 por ciento of mas) y thermometer. E productonan aki tin margen maximo di 15% pa moyoristanan y 25% pa minoristanan.

Minister McWilliam a afirma e reglamento ministerial cu ta establece e margennan maximo. Esaki a wordo den efecto inmediatamente. Esaki ta productonan cu in un demanda grandi rond mundo despues di e brote di e coronavirus nobo. E inspectornan di inspeccion di e ministerio di desaroyo economico mester garantiza e cumplimiento cu e eccema nobo y cu e mayoristanan no excede e prijs maximo. Pero tambe ta conseha residen-tenan pa vigila e cosnan pa nan mes.

## Knops: lo tin pakete di emergencia pa parti reino Caribense

**DEN HAAG( Telegraaf) - Recientemente minister Reymond Knops di Relacionnan di Reino a anuncia cu lo tin pakete di emergencia pa e Caribe Hulandes, Aruba, Curaçao y Sint Maarten.**

Salud publico ta un preocupacion importante. Segun Knops, e resistencia di e habitantenan di e isla ta menor. E gabinete ta investigando si ta rekeri instalacionnan medico adicional. Lo examina tur opcion incluyendo e envio di un barco marina cu ekipo medico.

Tambe lo tuma medidanan pa e empresanan afecta pa e crisis di coronavirus, " Esaki ta desproporcionadamente grandi, specialmente pa turismo", e minister di CDA a bisa.

Pa Bonaire, Saba y Sint-Eustatius lo tin un pakete social similar di enfoko na Hulanda. " E personanan cu no tin ningun entrada lo ricibi apoyo".

Pa e islanan di Aruba, Curaçao y Sint Maarten, ta examinando normanan finan-



ciero pa garantiza cu nan por ofrece mas ayudo economico aki. " E mayoria parti di e economia cu ta draai rond di turismo" Knops a bisa. " Lo tin luganan bashi dentro di poco dia ora cu tur e turistanan bay y lo tin miles di persona sin trabou".

Pronto lo tin un conseho di ministernan di reino nobo, pa wak si mester si ayudo financiero adicional di Hulanda.



**Appreciable cliente,  
En conexion cu e situacion actual di virus  
Covid-19 Caribbean Speed Printers kier a pidi  
coperacion di tur su clientenan cu ta hasi  
transaccion na oficina pa entrante awe  
cuminsa hasi uso di nos systema di email:**

**[noticia@bondia.com](mailto:noticia@bondia.com)  
[news@arubatoday.com](mailto:news@arubatoday.com)  
[aviso@bondia.com](mailto:aviso@bondia.com)  
[accounting@bondia.com](mailto:accounting@bondia.com)  
[info@bondia.com](mailto:info@bondia.com)**

**Tambe kier a recorda tur cliente cu kier paga  
nan cuenta cu por hasi esaki online riba e  
siguiente cuentanan:**

**Aruba Bank # 332668  
CMB #23951903  
RBC #13307728**

**Pa mas informacion por tuma contacto  
libremente cu nos na telefon 5827800**

# Clasificado

## ECONOMICO

**Personal GRATIS max. 20 palabra**  
 PASA LAGA BO AVISO NA OFICINA DI BON DIA  
 ARUBA WESTSTRAAT#22 FOR DI 9:00AM-4:00PM  
 Email nos na  
 classified@csnv.com

**TA BENDE**

Auto Chevrolet Optra 2008  
 den bon condicion  
**Prijs Afl. 3500,=**  
**Tel 568-2714**

**Sushi den cura?**

Ta piki sushi cu pick-up  
 grandi pa Afl 75,= pa buelta.  
 Yama nos na  
**561 4297 of 561 5179**  
 Hasi Aruba Limpi.

**TA BENDE**

Tubo pa colga paña un set (2x)  
 pa Fls.200  
**Tel: 569 7787**

**AUTO Y HERO BIEU**

Nos ta piki auto, airco y bateria  
 bieu pornada. Frigidaire, stoof,  
 wasmachin, tv ta 10,=.  
**Yama 561 4597 / 561 5179**  
 Arubiano Balente

**SERVICIO PUBLICO**

Gran Feria di Fruta y Verdura  
 na Rococo Plaza diahuebs,  
 diabierna y diasabra 3 or te cu  
 8 or anochi . Tur siman

**SERVICIO PUBLICO**

Sra. ta dispuesto pa haci trabou  
 den cuida di mucha y anciano y  
 tambe limpieza di cas of oficina  
**Tel. 568 1152**

**TA HUUR**

Camber + baño na  
 Piedra Plat (Seroe Pita)  
**Tel. 594 9694**

**TA BENDE**

un cas: 3 camber / 2 baño  
 na Primavera, Awg.395.000  
**Tel.592 9966**

**SERVICIO PUBLICO**

Buscando auto pa huur y na  
 bon prijs? yama nos  
**Tel. 593 9953/ 593 8453**

**TA BENDE**

Un Cas Moderno: 3 Camber  
 2 banjo na Boroncana.  
 Awg. 475.000.00.  
**Tel: 565 0831**

**SERVICIO PUBLICO**

Mi ta ofrece servicio di electri-  
 cista en general corto circuito y  
 mantencion  
**Tel.566 5026**

**SERVICIO PUBLICO**

Señora ta ofrece servicio pa  
 cuida mucha of hende grandi-  
**Tel: 593 1777**

**SERVICIO PUBLICO**

ta drecha tur sorto  
 di Imagen y verf  
**Tel. 584 2489**

**SERVICIO PUBLICO**

Barata Barata  
 Nos ta chapi, lanta sushi, spuit  
 veneno, corta mata, na bon prijs  
 Arubiano balente  
**Call 592 5766**

**SERVICIO PUBLICO**

Psychic Riley let me help solve  
 your problems in love marriage  
 finance career and family with  
 immediate results  
 Call 001 747271 9899  
 wyattearp14@sbcglobal.net

**SERVICIO PUBLICO**

Se ofrece servicio de reparacion  
 e instalacion de aires acondicio-  
 nados Split e industrial también  
 reparamos frigidaire, cuartos  
 frios y fabricantes de hielo  
**Tel. 600 0750**

**SERVICIO PUBLICO**

ta yuda busca cas  
 pa cumpra of huur  
**Tel. 563 1449**

**SERVICIO**

Unified One Events  
 Photos , films, wedding  
**Tel. 749 2533**

**SERVICIO PUBLICO**

Pa haci trabou di verf y chapi,  
 tur mantencion di pafor di cas  
 Yama y puntra pa Benito na  
**Tel.593 0040**

**TA HUUR**

apartment na Madiki Kavel  
 Whatsapp  
**Tel. 746 2395**

**SERVICIO PUBLICO**

Albañil, ceramica, porcelanato,  
 plomeria, pintura, cielo razo,  
 puertas de madera, puntos  
 electricos, soldadura, Bloques,  
 Frizos, pisos. Yama ya  
**Tel. 740 1242 / 740 4003**

**SERVICIO PUBLICO**

ta haci tur tipo di trabou  
 di costurera  
**Tel. 593 2085**

**TA HUUR**

Studio/ apartment seminuebla  
 en Playa (max 2 persona): living  
 cu cocina y un camber cu baño.  
 Afl.700  
**Tel. 662 3892**

**SERVICIO PUBLICO**

Ta haci tur trabou di  
 construccion y carpinteria y tur  
 cos cu ta furamento di stul  
**Tel : 746 0518**

**GRATIS**

Nos ta piki tur sorto di auto bieue,  
 gratis. Tambe airco, bateria,  
 stoof, wasmachin, frigidaire etc  
**Tel. 561 4297 / 561 5179**

**TA BUSCA**

pa cumpra 1 tereno Eigendom  
 di ongerveer 400 m2 pa 500  
 m2 den vecindario di Madiki,  
 Socotoro, Meinveld, Ponton,  
 Companachi of otro bario  
**Tel.593 0769 / 593 3514**

**TA BENDE**

Caha di Orgel.  
 Tin 3 cylinder NOBO.  
 Pa mas informacion yama  
**Tel. 593 0203**

**FOR SALE**

sruectura pa traha cas di trailer  
 mas grandi cu 40 pia. Fls.5 mil  
**Tel. 569 4343**

**SERVICIO PUBLICO**

Para todo lo que se refiere a  
 tapicería de muebles, autos,  
 botes. Reparamos bambú,  
 cabana. Todo lo relacionado  
 con carpintería  
**Tel. 569 7539 / 746 0518**

**TA HUUR**

Apartment full muebla. Incl.  
 awa, excl. coriente. Vecindario  
 Tele Aruba.  
 Pa mas info yama  
**Tel.593 8488 / 593 7755**

**SERVICIO PUBLICO**

Masaje relajante, sports ma-  
 sajes, aroma terapia, piedras  
 calientes, reflexologia, faciales  
 Sabana Basora # 157 P.Ch.  
**Tel. 561 8520**

**SERVICIO PUBLICO**

recojemos todo tipo de basura  
 (nevera, estufa, etc)  
**Tel. 564 1979**

**FOR SALE**

Commercial property close to  
 the new Container Port in  
 Barcadera, build-up 424 m2,  
 land 2400 m2 for \$337,078.  
 For more details  
**Tel. 593 6318**

**TA HUUR**

Pa famia maximum  
 4 persona.  
 Yama pa informacion  
**Tel.568 4209**

**FOR SALE**

Gorgeous two story house in  
 Paradera, 3 bedrooms/  
 3 bathrooms with pool for  
 \$470,000  
**Tel.593 6318**

**TA BENDE**

BBQ Grill tipo cilinder  
 "criyoyo" duradero  
 Prijs Afl.250  
**Tel. 569 7787**

**SERVICIO PUBLICO**

Construction  
 remodelacion di cas, traha cas,  
 apartment, traha y drecha dak,  
 electricidad, verf pega mosaico,  
 traha cura, plomeria. Bon prijs  
**Tel. 593 3141**

**SERVICIO PUBLICO**

Pa tur trabou di tapiceria di  
 mueble, auto, yate y barco.  
 Nos ta haci trabou di cabana y  
 bambu y nos ta verf  
**Tel : 569 7539 / 737 3993**

**ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI  
 MAS CERCA DI BO!**



**Yena aki bao e siguiente informacion**

**Telefon**

Number completo:.....  
 Adres di entrega:.....  
 Adres di cobranza:.....

- Cobranza na Cas.
- Cobranza na Trabao.
- Paga via Banco (Standing Order) Aruba Bank no:33266.8
- Paga Aruba Bank ABO ONLINE .
- Paga CMB ONLINE .
- Personal na oficina di Bon Dia Aruba.
- Pone den Box.
- Tira den Cura.

**Pago Adelanta:**

- 3 Luna
- 6 Luna
- 1 año

**Yama na telefon: 582-7800 of manda un email na accounting@bondia.com  
 www.bondia.com**

*Hiacintha Thijsen Trimon :*

## ‘Coronavirus a dal Aruba hopi mas duro pasobra el a bin acopla cu debenan di biyones di florin di un mal gobierno’



**ORANJESTAD - Awe pueblo di Aruba su sufrimento ta enormemente mas grandi, pasobra Mike Eman a laga un debe atras di biyones di florin pa pueblo bay paga, y si no ta suficiente e corrupcion grandi di terenonan horta di e culto pueblo, y cu ainda husticia no kier cera e avestruznan ladron sinberguensa y sin gevoel, cu ainda sin cuero di cara ta cana rond manera cu nan no a haci nada.**

E famia pover no por a haya ni 400 meter di tereno pa traha su cas, castigo lo bini pa nan. Pasobra rosea di un pueblo ta mescos cu un lava cu ta basha di un Volcan, asina cayente e ta pa e Avestruznan. Ta parce cu na Aruba no tin husticia, of husticia ta di clase pa e avestruznan. Tur esnan cu a haya tereno, pa nan por enriquece nan mes of nan compinchinan, mester duna pueblo su placanan bek, pa nan por sobrebibi e horibel corona virus.

Sin cu Glenbert Croes a haci nada particular. A.V.P a pone Glenbert Croes paga bek pa placa cu e no a horta, simplemente te a tuma un decision pa yuda trahadonan. Si Glenbert Croes mester a paga bek, e ladronnan corrupto di A.V.P tambe mester wordo condena y manda nan prizon, pa hortamento di tereno di pueblo. Paul Croes Mike Eman a laga ser”E.

Awor mas cu nunca mester condena e avestruznan di A.V.P pa nan paga bek tur e placanan di tereno di pueblo cu nan a benede. e golpi y sufrimento di corona virus ta hopi duro, y awor Aruba tin

necesidad di hopi placa pa e poberman por sobrebibi di e corona virus. Y e Avestruz ladronnan corrupto mester paga bek tur local nan a horta di e culto pueblo, si ainda a resta nan cuero di cara. Y ora di eleccion pueblo lo sa di mata tur e Avestruznan cu a horta plaga y tereno di pueblo, y manda nan cas pa semper. Ojo por Ojo, Diente por Diente.

E dolor y susto cu corona virus a hinca Aruba aden, por tawata hopi mas menos pa Aruba, si Mike Eman no a hinca Aruba den debenan grandi di biyones di florin, a derocha y a malgasta placa di pueblo na gran escala y na su antoho, sin pensa si algun dia nos Aruba tambe por haya golpinan duro mescos cu Paisnan grandi. Danki Dios cu Aruba tin un dama Min.



Pres. Evelyn Wever Croes, un mama cu tin yiu y nieto, y hopi inteligente y tin conocimiento kico ta un dolor di un famia ora no tin placa pa su yiunan come. Pa motibo di mal maneho di 8 año di Mike Eman su gobierno, awe no tin placa suficiente pa yuda esnan den mas necesidad cu ta e poberman, cu tambe mester hala faha mara, pasobra ta e pover mester bay carga e cruz pisa ariba su lomba cu Hesus a carga.


Pero Mike Eman si tin placa,

pasobra E ta biba den un Penthouse, y ta e miyonario number 1(un) di Aruba, un homber cu su tata a lag’e pover manera un raton di kerki, cu hasta mester a colecta placa pa yuda su famia come.

E digno y culto pueblo di Aruba mester pone su fe den Dios, maske cu Bo tin rabia den bo culpa, cu Mike Eman durante 8 año no a corda ariba su pueblo, y a laga debenan grandi di biyones di florin pa pueblo paga. Ban laga Mike Eman pa su expiacion, y cu

Dios nos dilanti nada malo lo pasa nos. Djis resa, y pidi Señor nos Dios pa scucha nos oracion, y scucha nos plegaria cu ta sali for di nos alma y curason.

Oh Dios di amor, Dios di misericordia, scucha bo yiunan cu ta anhela bo Paz y bo Bendicion, Santifica señor y Purifica señor Alma y Curason di bo yiunan, Pordona nos si nos a bandona Bo, pa motibo di materialismo y instigacion y duna nos bo Bendicion y Salvacion pa Aruba.



## Chauffeur di altezza a dal contra palo di luz

**PARADERA** - Diahuebs durante oranan den dia riba caminda di Paradera, un chauffeur di un altezza a perde control cu su auto y dal contra palo di luz cu ta sostiene otro.

E auto a keda mei mei caminda y no tabata tin ningun persona herida. Polis di trafico y roadservise a presenta pa tuma dato.



## B.C.I a ricibi bishita di minister Marisol Lopez Tromp



**ORANJESTAD** - Recientemente B.C.I. a ricibi bishita di minister Marisol Lopez Tromp. Esaki tawata un bishita di kennismaking y alabes di trabou tambe.

ki ta unda cu trahadonan a trece varios punto dilanti con pa mehora e servicio di B.C.I. prome y despues minister a reuni tambe cu hoofd sr. Kevin Peterson y wnd hoofd van

dienst. E reunion a bay den un super bon ambiente.

B.C.I. ta gradici minister Marisol Lopez Tromp pa e bishita. Alabes minister a laga sa cu esaki sigur lo no ta su ultimo bishita na B.C.I. pasobra e ta di opinion cu e departamento aki ta di suma importancia pa cu e mantencion di limpiesa y siguridad di Aruba.

# Turismo hayando golpi duro di coronavirus

**ORANJESTAD - Turismo ta enfrentando un golpi duro den economia pa motibo di coronavirus. Otro siman ocupacion di hotelnan lo ta na zero por ciento. Pero ya caba pa dos siman e sector hotelero ta sintiendo e efectonan aki.**

E siman aki huespednan mester a bay bek nan pais pa motibo cu mayoria di pais a cera nan frontera aereo pa motibo di e coronavirus y pa asina preveni pa esaki sigui plama y drenta nan pais.

Na Aruba e situacion ta birando duro pa publico en general, pero pa nos unico pilar economico esaki lo ta desastroso. Hopi trahadonan den e sector lo perde trabou y tanto hotel, restaurant, casino, etc. lo sufri e consecucionan. Bon dia Aruba a nota con hotelnan ta muestra awo cu economia no ta dunando fruto. Nos a papia cu un empleado cu a duna di conoce cu nan mester warda tur cos den e bañonan, camanan no ta wordo drecha ta keta tur cos y laga e camber upperuimd. Nos a tuma nota di con bashi band'i pool, beach, casino cera y den e hotelnan en general ta. Esaki ta e tristo realidad di rond mundo y con e economia mundialmente ta sufriendo. Nos no sa kico e proximo lunanan lo trece pa e economia globalmente.



Afl. **520.000,-**

**Selecta:**  
Selecciona cinco (5) number entre 1 y 35

**03 12 15 24 33**

**Multi Draw:**  
Selecta bo numbertan pa e sorteo desea y siguiente sorteonan. Pa asina bo keda den wega!

**03 12 15 24 33 X2   03 12 15 24 33 X3**  
**03 12 15 24 33 X4   03 12 15 24 33 X5**

**Combo:** Puntra bo rebendado pa opcionan di combo.

www.lottoaruba.com

## Epicentro di virus na Italia tin cantidad di caso grandi y scondi

**BERGAMO (AP) – Bergamo ta epicentro di e provincia mas afecta di Italia, Lombardy, unda centenares di morto a tuma luga. Famianan aki ta priva di un despedida cercano di nan sernan keri, of sikiera un entiero tradicional.**

E santana ta asina abrumba pa e cantidad di morto cu trucknan militar a transporta 65 curpa na un region cercano pa cremacion e siman aki.

Segun cifranan no oficial, mas di 600 persona infecta cu e virus a fayece na e provincia, cera di Alpe Italiano, y ta conta pa mas di un cuarta parti di tur morto na Lombardy, maske ta representa apenas un decimo parti di e poblacion di e region, 10 miyon.



“Nos ta confrontando e emergencia mas grandi di COVID tras di Wuhan”, segun Dr. Luca Lorini, cabesante di cuidu intensivo na hospital principal di Bergamo. “E cifranan ta bisa nos esaki.” Pero te awo, e cifranan no ta conta henter e storia. “Ora e virus a yega aki, no tabatin contencion y

a plama hopi rapido. Nos, dokter, tabata sa cu no ta djis grip.” Sitionan pa entiero y funeral ya tabata registrando un aumento alarmante di morto cuminsando na januari y februari, un anomalia cu nan a señala na autoridadnan, segun Antonio Ricciardi, cabesante di asociacion local di

sitio pa funeral. Su negoshi a tene 611 funeral diano 1-18 di maart, siendo cu normal ta 100 den henter un luna. Francesco Alleva, vocero di alcalde di Bergamo, a bisa cu nan ta kere cu e cantidad real di COVID-19 ta scondi. “Pasobra hopi ta muriendo na cas of cas di anciano, y nunca a test nan pa e virus.”

Patruyan di polis ta circula Bergamo cu speaker instruyendo hende pa no sali sino pa necesidad berdadero, manera trabou of cumpra cuminda. E inhabilidad di consola miembronan di famia infecta den hospital of sikiera bay un entiero ta entre e aspectonan mas tristo di e emergencia ainda desaroyando.

Unabes un ser keri muri di e virus, miembronan di famia no ta permiti pa scoge un paña faborito pa entiero. Pa decreto gubernamental, e fayecidonan ta dera den e paña den cual nan a muri, lora den clechi steriel y hinca den caha lo mas pronto posible.

“Tin un enorme problema psicologico pa familiarnan cu no por mira e curpa”, Ricciardi a bisa. “Sin curpa, ta dificil pa realiza cu un morto a tuma luga.”

## Fecha limite pa entrega di belasting retrasa dos luna

**WASHINGTON – Fecha pa entrega formulario di belasting a ser retrasa for di 15 di april pa 15 di juli, segun secretario di tesoro, Steven Mnuchin a bisa.**

Mnuchin a anuncia e decision den un tweet ayera, bisando cu riba direccion di presidente Donald Trump ‘nos ta halando Tax Day for di 15 di april pa 15 di juli. Tur pagado di impuesto y negoshi lo tin e tempo adicional aki pa entrega y haci pago sin interes ni multa’.

Na un sesion di informa-



cion di Cas Blanco, Trump a bisa cu e retraso riba entrega y pago di impuesto te cu 15 di juli ta pa duna pagadonan

mas tempo y ‘cu speransa pa e fecha ey hende lo ta bayendo bek nan bida normal’.

Trump a bisa cu si hende ta spera reembolso, nan mester entrega awo pa nan por haya esaki di IRS mas lihe. E administracion anteriormente den e siman a anuncia cu nan lo retrasa pago, un movida cu Mnuchin a bisa lo laga \$300 biyon den economia na un momento critico.

E retraso ta disponibel pa persona cu debe \$1 miyon of menos, y corporacion cu debe \$10 miyon of menos. Ta spera cu hopi estado lo

sigui e movida di gobierno federal y retrasa nan entrega di belasting tambe, pero esey ta decision di cada estado.

Mnuchin a bisa cu e retraso lo permiti hogar y negoshi usa placa cu nan lo a paga na IRS como sosten financiero pa cubri otro necesidad durante e emergencia economico crea pa esfuersonan pa contene coronavirus.

E administracion ta trahando cu Congreso pa desaroya un pakete di sosten di \$1 triyon y Mnuchin a bisa cu e retraso di pago di IRS lo agrega \$300 biyon na e esfuerso aki.

## Africa fragil pa brote di coronavirus

**SENEGAL (AP) – E nacion di Mali na Africa occidental tin un mashin di ventilacion pa cada miyon di persona, 20 total pa yuda pashent den condicion respiratorio critico. E virus ta moviendo na parti di mundo cu por ta menos prepara.**

Algun pais di Africa y Latino America tin tiki ekipo of capacidad di personal di salud pa duna sosten. Hopi di nan nacion ta cerando frontera y prohibiendo reunion grandi, cu speransa di evita e scenarionan mira na paisnan mas rico manera Italia of Merca, pero transmision local ya a cuminsa.

Contene e brote ta un reto

nobo. Africa tin menos di 800 caso confirma y Latino America menos di dos mil, pero un respuesta trempan ta crucial mientras sistemanan di salud fragil rapidamente por wordo abrumba.

Cu recursonan asina limita, expertonan ta bisa cu identificacion di caso, track, y test ta clave.

Hopi pais den Africa sub-Sahara no tin sala di isolacion ni cantidad grandi di trahadonan di salud pa responde na e aumento di pashent cu COVID-19. Liberia y Burkina Faso tin apenas algun mashin ventilador pa nan miyones di habitante.

Dr. Bernard Olayo, fundado di Centro pa Salud Publico y Desaroyo basa na Kenya, a



bisa cu mayoria di pais Africano no por afford ventilador. Hasta si otro pais provee e mashinnan, no ta suficiente pasobra falta personal cualifica pa usa nan.

Hopi pashent lo recupera cu solamente oxigeno, el a bisa, pero alrededor di mita di facilidad di salud den paisnan Africano no tin suministro confiabel di oxigeno. Mirando e falta di electricidad den cantidad di pais, generado di oxigeno y cilindro di presion ta necesario pasobra nan por traha sin coriente.

Director regional di Africa pa WHO, Dr. Matshidiso Moeti, a bisa cu falta di facilidadnan di ICU y ventilador ta un di e retonan mas grandi cu e continente ta enfrente.

## Women's Club of Aruba a rindi atributo na Jeanne Ecury

**ORANJESTAD** -Diasabra ultimo, Women's Club of Aruba (WCA) a tuma despedida di Johanna Mathea Maria Ecury-Sijben, miho conoci como Jeanne Ecury.

Na 2012, Jeanne a wordo instala como miembro di WCA y tabata un boluntario dedica, un miembro cu hopi pasion y amor pa su trabou den comunidad.

Durante añanan, Jeanne tabata miembro di diferente directiva y comision manera, comision di Salud, AIDS Awareness y Dress a Child.

Tambe boluntariamente e tabata asisti comision di Program na porta ora di reunionnan general di miembresia, atendiendo un y tur cu su smile, pasenshi y un cordial saludo di bon bini. E tabata gusta e actividadnan di Study Group masha, principalmente esunnan di obra di man, pintamento, ya cu e mes a bay varios curso di pintamento di maestronan grandi di exterior y a participa na diferente exposicion cu su pinturanan. Aña pasa, el a culmina su trabou di boluntario den WCA, aceptando e funcion di chairman di e comision di Student Awards cu tin como meta pa honra e miho graduadonan di nos pais.

Jeanne tabata den exterior pa su salud y ora cu el a bin bek, nos tabata tin e speransa di wak e bek na club, pero e tabata den un lucha dificil pa su salud y finalmente dia 11 di maart, el a bay sosega na paz.



### ANUNCIO IMPORTANTE!

#### Nos orario a cambia te proximo aviso

Bou di e circunstancianan actual y e liñanan stipula pa contene e Coronavirus COVID-19, nos orario a cambia te proximo aviso.

#### Habri 8:00 pa 12:00.

Despues di merdia nos ta cera pa cliente.

#### Online si nos ta keda habri!

Si bo tin un peticion o pregunta tuma contacto cu nos:

- online riba [ennia.com/contact](http://ennia.com/contact)
- o manda nos un email riba [mail@ennia.com](mailto:mail@ennia.com)

Nos ta trata bo peticion mas pronto cu ta posibel y nos lo tuma contacto cu bo.

Cera bo seguro online riba [www.ennia.com](http://www.ennia.com)

**ennia**  
 Sintri bo sigur!

## DNM cu yamada pa refleha riba dia Internacional di Mondin

**ORANJESTAD** - Na-cionnan Uni su Asamblea General a declara na aña 2012 cu dia 21 maart ta dia Internacional di Mondinan y di tur Mata cu no ta den mondi. Tur aña e estadonan cu ta miembro ta observa e fecha aki como "International Day of Forests".

Directie Natuur en Milieu (DNM), departamento gubernamental encarga cu e maneho di Naturalesa y Medio Ambiente kier con-

tribui na conscientisacion di e importancia pa Aruba y pa mundo di nos mondinan y tur mata. Na Papiamentu ta yama areanan grandi cu mata mondi, y na Ingles forrest y na Spaño bosques. E areanan aki cu hopi mata ta sostene nos existencia, duna aire limpi, e oxigeno cu nos ta hala rosea di dje. E aña aki e tema di e dia observa ta "Forrests and Biodiversity". E mondinan ta e cuna pa salvaguardia e biodiversidad di nos flora y fauna y tambe ta combati cambio di clima.

Mondinan tambe tin un rol crucial pa yuda alivia pobresa y alcansa e metanan di desarrollo sostenibel (SDG's). Pa hopi hende mondinan y mata ta provee cuminda y trabou. Ta keda na nos pa mantene y proteha esakinan. DNM ta encurasha pueblo di Aruba pa den e dianan aki cu bo ta na cas hunto cu bo famia pa pasa tempo den cura y planta. Tambe ta importante pa refleha ariba e dia aki y puntra nos mes "Capmento di mata ta necesario?". Tambe puntra: "Cua por ta e consecuencia



### MI-FI Device GRATIS!

Activa e MIFI Plan ILIMITA di 30 dia pa ~~Afl 149~~ Afl 119



**3GB LTE per day**  
Cantidad ta Limita

[www.digicelaruba.com](http://www.digicelaruba.com)

**Digicel**

di esaki pa nos ecosistema y e biodiversidad?"

Ora ta trata di mondinan local por pensa riba nos matanan di mangel. Por bisa cu e areanan cu hopi mangel ta cumpli cu e definicion di un "forrest", cu ta un area cu un densidad grandi di mata. Pesey na Aruba nos ta considera nos areanan di mangel como areanan unico y importante cu nos mester proteha y conserva. Mangelnan tin varios funcion, entre otro: yuda cu e reduccion di CO2, proteccion y escondite pa fauna, atrapa sedimentonan cual lo yuda pa proteha nos coralnan, mantene y crea suelo, y luga pa reproduci di varios especie marino y terestre. Pa nos fauna marino e mangelnan ta di sumo importancia mirando cu varios bestia ta pone webo den e areanan aki

of nan yiunan ta uza e mangelnan como luga pa nan sconde y crece. Despues cu e yiunan bira mas grandi nan ta bandona e mangelnan pa bay biba na e rifnan mas pafu di nos costa. E biodiversidad cu bo ta haya den e areanan di mangel ta un di esnan di mas halto na Aruba. Matanan di mangel ta protegi pa ley y ta p'esey mes conscientisacion ta importante. Nos ta haci un apelacion special na tur usuarionan di nos lama y na esnan cu a bay construi na nos rifnan unda tin hopi matanan di mangel, ban ta consciente di nos actonan, no destrui, no kap mas mata di mangel.

Adhunto por mira un bunita imagen di nos matanan di mangel na Aruba, como tambe e logo di United Nations e aña aki.



## Vi Frank Jr. a introduccion su prome buki 'Damnatio Ad Bestia'



**ORANJESTAD – Den e dianan aki di 'social distancing', cuarentena y toque de queda, debi na e menasa di e coronavirus, sin duda un bon buki ta un bon compania. Sin cu bo no ta core e risico di wordo contagia cu e virus aki.**

Recientemente, Vi Frank Jr a haci e introduccion oficial di su prome buki titula 'Damnatio Ad Bestia,' creando un ambiente di suspenso den Biblioteca Nacional Aruba su sede na Playa. 'Damnatio Ad Bestia,' e ta un palabra na Latin cu ta nifica: Condena na e bestia. El a splica cu e tabata un forma di castigo di morto den temponan di Imperio Romano, cu a wordo introduci alrededor di e segundo siglo prome cu Cristo. Esunnan condena na morto, entre nan criminalnan, catibo cu a huy, y tambe e Cristiannan tabata wordo tira den arena yen di bestianan salvahe, feroz y carnivoros. E tabata un forma di diberticion e tempo aya.

Vi Frank Jr su prome buki ta un proposicion literario interesante, casi unico den su genero, ya cu e ta un thriller kirbi na Papiamento, pero tambe haciendo uzo di otro idioma. Pues e mesun autor ta recomenda cu esun cu ta desea di lesa su obra, ta esencial pa bo tin dominio, no solamente di Papiamento, sino di Hulandes, Ingles y Spaño. E ta un obra multilingual.

Pero mirando su contenido, el a adverti tambe cu e obra aki ta destina pa un lector adulto, ya cu e no ta apto pa menor di edad, y te hasta talbes pa cierto adulto. Como escritor di e obra aki, Vi Frank Jr. ta distancia su mes como persona di su contenido.

"Hopi hende a yega di bisa mi. Ma caba cu e buki, y e

buki a dal'e cierto caminda duro, pasobra e ta cosnan cu ta biba akinan." Te hasta hende di edad ta yega di relaciona cierto cos cu a yega di sosode den pasado cu loke ta wordo conta den e buki, ya cu nan ta haya cierto similaridad. Pero e ta aclaria cu e obra aki ta totalmente ficticio.

### Thriller psicologico

E defini cu esaki ta un obra di ficcion, caminda cualkier personahe, pensamiento, acto, etc... no tin di haci cu e realidad y tampoco cu e autor.

E autor Vi Frank Jr. ta un amante di e tipo di lectura aki. E autor su genero faborito ta entre otro, ficcion y thriller Gotico. E ta un persona masha interesa riba e genero di thriller, cu masha poco ta wordo explora pa nos autornan local contemporaneo.

El a declara na Bon Dia Aruba cu el a yega di kirbi diferente sub-genero di thriller, entre nan horror, terror, suspenso, etc... E tin un coleccion nunca antes publica na Ingles. Pero el a declara cu den obra 'Damnatio Ad Bestia,' el a pone un empeño extra, ya cu e ta algo crioyo.

El a bisa cu como autor, curiosamente e otro idioma no a bira un reto pe. Pero e obra aki si, apesar cu el a wordo kirbi den su mesun lenga materno. "Bo mesun idioma tin biaha ta hopi mas exigente!," el a laga sa. E ta haya cu si e buki aki tabata na Ingles, e no lo haya un impacto manera e ta hayando aworaki, ya cu na Ingles y over di Aruba, no ta pas cu expresionnan crioyo cu nos ta uza.

Durante su presentacion el a referi, entre otro riba historia di e genero aki y tambe el a papia riba e componentenan cu ta haci un novela uno di thriller. Igualmente el a marca un diferencia riba kico ta

horror, terror y suspenso cu pa algun di nos ta gewoon un sinonimo di otro, pero cada un di nan tin un concepto apart.

### Genero thriller

El a cualifica su obra como un genero di thriller, ya cu e ta un concepto cu ta habraca diferente aspecto. Segun e autor su obra tin elementonan psicologico pisa, etc... E por wordo clasifica como un thriller psicologico criminal cu elementonan di horror den dje.

Esaki ta Vi Frank Jr su prome publicacion, unda uzo di Papiamento ta predomina den su obra.

Durante su presentacion el a bisa cu aparentemente esaki ta e prome thriller of obra literario di suspenso kirbi na Papiamento di Aruba, desaroya na Aruba dor di un escritor Arubiano.

Vi Frank Jr ta haya cu e buki su esencia ta, cu unbes cu bo nace, bo ta wordo confronta cu un mundo caminda tin

hende bon, pero 'tambe tin bestia di dos pia cu ta cana rond y cu ta comete acto basta horroroso.'

Esey tabata e motibo di e titulo na Latin cu e tabatin premira basta tempo pasa. Unbes cu e lector ta sambuya su mes den e obra aki, bo lo por compronde con e esencia aki ta relata den 'Damnatio Ad Bestia.' E buki aki ta obtenibel actualmente cerca e autor mes via su e-mail romansix@gmail.com

# ATENCIÓN!

Entrante dialuna 23 maart 2020 y te proximo aviso N.V. ELMAR ta adapta su orario y servicio como lo siguiente:

Oficina San Nicolas: **cera**

Oficina Hato: **cera**

Oficina Oranjestad: **7:45 am - 4:00 pm (solamente pa servicio di caha y benta di coriente prepaid)**

- Pa servicio di conexion di coriente por manda un email pa [customerservice@elmar.aw](mailto:customerservice@elmar.aw)
- Call Center 523 7100: 7:45 am - 4:00 pm
- Storingsdienst: 7:30 am - 12:00 am; despues di 12:00 am lo tin un opzichter na warda solamente pa casonan di emergencia
- Pa tur otro servicio of pregunta por manda un email pa [customerservice@elmar.aw](mailto:customerservice@elmar.aw)

Ta recomenda clientenan pa nan tin fuse di spare den cas ya cu N.V. ELMAR no ta bende fuse.

Alavez ta recomenda clientenan cu meter prepago pa recarga na tempo. Tur CITGO service stations lo sigui bende prepaid segun nan orario adapta.

## Flambeu Olimpico ta yega Hapon entre incertidumbre



**MATSUSHIMA AIR BASE, Hapon (AP) — Flambeau Olimpico ayera a completa su biahe dificil for di Grecia pa Hapon.**

Esaki a nifica un victoria chikito, simbolico pa Comité Olimpico Internacional (IOC) y organisadonan local, kende ta insiti cu Tokyo 2020 lo tin su apertura dia 24 di juli entre un coro di duda di esunnan cu ta kere cu mester pospone of cancela Olimpiada pa motibo di pandemia di coronavirus.

“Pa prome biaha den 56 aña, flambeau Olimpico ta bayendo Tokyo, y mi ta spera cu flambeau Olimpico lo ilumina caminda di speransa pa hopi hende”, segun presidente di comité organizado, Yoshiro Mori a bisa na un ceremonia chikito na un base aereo na nort Hapon.

Mori por supuesto tabata referiendo na e famoso Olimpiada Tokyo 1964. Tokyo tambe mester a ta sitio pa Olimpiada 1940, cu a cancela pa Segundo Guerra Mundial. “Nos lo traha di cerca cu IOC, gobierno Hapones y Gobierno metropolitano di Tokyo”, el a bisa, y basa riba conseho di Organización Mundial di Salud (WHO), ‘nos lo sigura un competencia safe’.

E flambeau, transporta den un pochi chikito for di Grecia, a yega Hapon a bordo di un avion blanco pinta cu e inscripcion ‘Tokyo 2020 Olympic Torch Relay’ na su banda. E seccion di rabo tabata dorna cu e frase ‘Speransa ta ilumina nos caminda’.

Riba e tarmac, un contingente chikito di oficialnan di comité organizado a ricibi e avion. Dos di e Olimpiconan mas famoso di Hapon – tripel medayista di oro den lucha, Saori Yoshida, y tripel medayista di oro den judo, Tadahiro Nomura – a ricibi e flambeau pa ceremonia di cendemento.

Ambos a subi un trapi portable y a dreña e avion prome cu sali cu e po-

chi cu un candela cendi aden. Nan a entrega esaki na Mori na base di e trapi, kende a duna un discurso cortico di aceptacion.

Yoshida y Nomura a tuma e flambeau y cende un wea grandi riba e tarmac di e base aereo.

Mori a referi na e ‘situacion dificil’ cu e virus, y a gradici IOC y oficialnan Griego cu a ‘tene e ceremonia di entrega’ cu Olimpiada programa pa cuminsa den apenas poco mas cu cuatro luna.

E flambeau lo keda den nort Hapon pa casi un siman te cu e relay di flambeau cuminsa oficialmente dia 26 di maart for di Fukushima. Lo pone e flambeau visibel pa publico den tres prefectura – Miyagi, Iwate y Fukushima.

Hasta si Olimpiada y Paralimpiada no cuminsa segun schedule, e candela por ser usa como simbolo pa publico Hapones.

Den un yamada di conferencia di aranson, presidente di IOC, Thomas Bach a ricibi sosten pa sigui dilanti, pero tambe ta enfrentando resistencia di atletanan cu no por train, ta confundi pa e proceso di clasificacion, y preocupa pa nan salud.

Criticonan tambe ta keha di inhumanidad di proceso di clasificacion, cu por duna algun atleta bentaha riba otronan.

Agencia noticiero Hapones, Kyodo a revela resultado di encuesta dialuna mustrand cu 69.9% di encuestado no ta kere cu Olimpiada lo cuminsa segun schedule pa mottibo di e virus. E relay di flambeau di cuatro luna por ta yen di problema, particularmente pa patrocinadonan cu a inverti miyones pa e publicidad.

E relay di flambeau na Grecia, despues di e cendemento simbolico dia 12 di maart, a stop durante segundo dia y no a sigui pa motibo di multitudnan grandi. Organisadonan a pidi publico pa ta ‘restringi’ y por stop of retrasa e relay si nan no cumpli.

## Australia exigiendo ‘fair play’ di organisadonan Olimpico durante pandemia

**SYDNEY (AP) — Landadonan Australiano ta mas preocupa pa un campo di competencia igual den pool na Olimpiada.**

Pandemia di coronavirus a cobra bida di mas di 10mil persona y a infecta mas di 240mil, mandando algun ciudad den lockdown, otro paisnan a cera frontera, y mayoria di evento deportivo y liganan ta suspendi, posponi of cancela.

Organisadonan na Tokyo y Comité Olimpico Internacional (IOC) ta insiti cu

Olimpiada lo cuminsa segun programa dia 24 di juli, a pesar di prohibicion di biahe, requisito di isolacion, y otro problemanan cu ta nifica cu miles di atleta ainda no a clasifica pa nan evento.

“Ainda nos ta preparando pa Olimpiada y Paralimpiada na lo miho di nos habilidad, pero nos ta compronde absolutamente cu pa cantidad di nos colega esaki no ta realidad mas, manera por ta pa nos pronto”, Swimming Australia a bisa den un declaracion firma pa coach principal Jacco Verhaeren ayera, poco

despues cu e flambeau Olimpico di Grecia a yega Hapon. “Nos ta spera cu IOC y organisadonan Paralimpico ta considerando tur localnan por pa sigura cu tin un campo di competencia igual, cu atletanan capaz di competi den condicionnan saludabel.”

E tema clave? Cu lo ta mas husto pa pospone Olimpiada. Landamento ta un fuente regular di medaya na Olimpiada y campeonato mundial pa Australia, unda e clima, ubicacion y cantidad relativamente halto di pool di size



Olimpico ta un bentaha, pero no uno cu no por surpasa. “Den curason di competencia Olimpico y Paralimpico ta e nocion di competencia husto ‘fair play’ – un balor cu nos ta tene hopi na pecho, y nos no kier pa esey ser compro-

meti”, e declaracion ta continua. “Nos sa cu preparacion di atleta ta comprometi seriamente. Amistad y solidaridad ta balornan importante den Olimpiada y Paralimpiada y nos ta para cu boso den e tempo di incertidumbre aki.”

## Campeonnan Olimpico na Bergamo rondona pa morto

**ROME (AP) — Para banda di otro dilanti di casi 100 miembro di Comité Olimpico Internacional (IOC), Sofia Goggia y Michela Moioli a sinti na cumbre di mundo.**

Cada un un medayista di oro Olimpico, Goggia e atleta di ski y Moioli di snowboarding tabata hunto pa un momento cu despues a ser considera vital den e oferta exitoso di Milan-Cortina pa ta anfitrión di Olimpiada 2026 – ganando e votadonan cu nan energia positivo.

Ocho luna despues, Goggia y Moioli ta sinti cu nan mundo a bin abou.

Cera na cas apenas algun kilometer leu di otro den area Bergamo nort di Italia cu ta luchando pa combati coronavirus, nan ta rondona pa morto y desesperacion.

Wela di Moioli a fayece despues di ta infecta cu e virus y su welo, kende tambe



a test positivo, ta den cuidu intensivo. “Ta un guerra na cas”, Moioli a bisa. “E pueblo ta completamente desierto. E unico zonidonan cu bo ta tende ta campana di iglesia pa morto, y ambulance. Pafo di santana, caha di morto ta poni riba otro pasobra no tin persona pa dera nan. Tur famia tin sikiera un persona cu coronavirus.”

Bergamo ta epicentro di e provincia mas afecta di e

region mas afecta di Italia, Lombardy, un sitio cu centenares di morto pa coronavirus. Famianan eynan ta priva di un despedida di nan sernan keru fayeci pa e virus, ni sikiera un funeral tradicional. Esaki tabata birando un año memorabel pa Bergamo, cu su team di futbol, Atalanta, clasificando pa quart final di Champions League – un logro remarcabel pa un club provincial.

Awo, sinembargo, Champions League ta suspendi.

“Hospital, specialmente den area di Bergamo, ta cla pa cay”, Goggia a skirbi riba Instagram. “E pensamiento cu tanto hende di edad avansa ta enfrentando dianan asina dificil ta kibra mi curason. Nan ta enfrentando un sentido di soledad devastador.” “Nos mester ta resiliente”, a agrega Goggia, kende a gana e titulo downhill na Olimpiada Pyeongchang 2018.

Moioli, kende a gana oro den snowboard cross na Pyeongchang, tabata forsa pa bandona su cas cerca di Bergamo fin di januari, na momento cu e virus a aparece prome, y bay den kazerne militar na Courmayeur pa asina termina temporada di Cup Mundial y evita cuarentena.

Mientras ya caba el a gana su tercer titulo di temporada di Cup Mundial, Moioli a haci un punto di gana e care-



da final di e temporada na Veysonnaz, Suisa, un siman pasa. Despues, el a kibra den lagrima durante entrevista despues di e careda, bisando cu el a core ‘pa mi ciudad natal’. Dianan despues, su wela Camilla a fayece.

“E funeral a dura apenas cinco minuut. No tabatin tempo ni pa reuni famia”, Moioli a bisa. “Awo nos ta resando pa welo Antonio. Ora tur esaki termina, lo ta ainda miho pa ta Italiano. Hende lo ta miho, menos egoista.”

## Careda di cabay luchando cu riesgo di core durante pandemia



**(AP) – Careda di cabay rapidamente ta siñando cu no ta totalmente inmun na efectonan di pandemia di coronavirus manera otro sport, y awo ta luchando cu e riesgonan di continua operacion.**

Pa awo, Louisiana Derby ainda ta programa pa awe, e dia mas rico di careda ta programa ainda pa fin di luna na Dubai, y varios otro pista na Merca y rond mundo ta keda habri. Pero un trahado na New York a test positivo pa coronavirus, otro pista cera, y jockeynan dudoso di core a pone careda den peliger.

Siguiendo liderazgo di pista na Hapon y Hong Kong, hopi na Merca a dicidi di cera pa publico pero sigui core uni-

camente cu personal esencial. Kentucky Derby tabata posponi te fin di herfst cu otro caredanan Triple Crown spera di sigui, pero sin torneo NCAA, y tiki eventonan andando, careda sikiera pa un rato cortico tabata e unico sport pa mira en bibo y pusta. Jockeynan prominente a dicidi di stop di core. Un trahado na Belmont Park na Long Island a test positivo, y Aqueduct Racetrack a suspende careda en bibo indefinidamente. Laurel Park a anuncia cu ta ‘pauza’ careda en bibo, mientras Gulfstream Park a cera ayera pero tin plan di habri awe.

Pero desaroyonan andando y cosnan ta cambiando, y careda ta enfrentando obstaculo cu por nifica cu ta stop tur actividad.



### Lago Annuity Foundation

Apreciable Pensionadonan,

Den relacion cu e crisis di corona virus COVID-19 LAF a tuma e decision pa cambia e orario di operacion.

Pa proteccion y seguridad di nos clientenan cu ta esnan mas vulnerable – y nos empleadonan, nos oficina lo keda habri di 8 a.m. pa 12 p.m. di dialuna pa diabierna, solamente pa esnan cu tin cita.

LAF lo keda opera a base di un cantidad minimo di personal. Lo duna servicio a base di cita mas tanto posibel via telefoon, e-mail y fax. Caminda cu mester duna servicio na cliente, lo evita aglomeracion.

Esaki ta te cu proximo aviso.

Si tin cualkier pregunta por tuma contacto cu nos na +297 588-2480.

Atentamente,

Lago Annuity Foundation

## Aruba ABC Open Karate Championship tabata exitoso

**ORANJESTAD -** Recientemente Aruba Karate Bond a tene su exitoso prome campeonato di aña yama 'Aruba ABC Open Karate Championship'. Despues di e bunita desfile di cada scol di karate di Aruba, igualmente cu e team di Boneiro y Corsou, a sigui cu e motivante speech di presidente 'sensei' Felix Tromp dirigi na publico presente.

Como sorpresa a dedica e campeonato aki na 'sensei' William Millerson, presidente di Parlamento di Corsou y den mundo di karate conoci como instructor di Wado Karate, vice-presidente di e Federacion Mundial di Karate (1998-2014), vice-presidente di PKF (Panamerican Karate Federation) y actual vice-presidente di CKF (Caribbean Karate Federation). 'Sensei' William Millerson a fungi e ultimo añanan como e brug pa Aruba Karate Bond, kende hunto cu COA, a percura pa karate ta regresa den mundo di karate internacional. Su persona a ricibi e plakkaat di reconocimiento for di man di señora Nicole Ho-

evertsz di Comite Olimpico Aruba. Despues a yama un pa un e seleccion. Juan David Velazquez, Janilaine Bello y Alejandro Gonzalez Lujan a ricibi un caluroso aplauso di e publico pa nan resultadonan exitoso den 2019.

E campeonato a conta cu un total di 70 participante. Cu hopi emocion a ranca sali cu e categoria 'rambuho', esta e karatekanan di edad di 4 pa 6 aña. Tur a haci nan maximo esfuerzo y na final a ricibi nan medaya di participacion. Por a nota un gran cantidad di muchanan entre 9 y 15 aña hopi entusiasma y a duna e miho di nan mes. E punto culminante tabata e tremendo batayanan den categoria 'senior dama y cabayero' na unda Aruba a keda cu tur 2 medaya di oro d 'kata' (combate imaginario) y medaya di plata den 'kumite' (combate real).

Aruba Karate Bond ta felicita tur karateka. Na mes momento ta gradici tur karateka (specialmente team Boneiro y Corsou), tur instructor, tur arbitro, tur mayor, tur boluntario y tur u a haci e evento aki posible.



*Parlamentario Alan Howell (POR):*

## ‘Ta para firme tras di e decisionnan tuma pa Prome Minister Evelyn Wever-Croes’



**ORANJESTAD-** Parlamentario di POR, Alan Howell ta para firme tras di e decisionnan tuma pa Prome Minister Evelyn Wever-Croes den temponan di crisis cu mundo henter ta bibando aden. E ta bisa cu e ta para tras di e decisionnan fuerte, pero excelente cu e Prome Mandatario ta tumando, cual ta na bienestar di henter nos poblacion. No ta pasonan facil pa tuma, pero nan ta necesario pa hunto por combati e pandemia cu ta asechando henter mundo.

Howell ta gradici Premier Wever-Croes pa a scucha su yamada y pidi cooperacion di WEB pa tur meter di awa wordo conecta bek y asina tur cas na nos isla por tin awa. Na mes momento e ta apoya e decision di “toque de queda” cuminsando diasabra awo21 di maart di 9pm pa 6am y cu lo sigui te cu 31 di maart por lo pronto. Tambe e decision di cera frontera pa tur hende for di e mesun fecha aki pa evita cu e Coronavirus Covid 19 sigui drenta nos isla y proteha nos poblacion lo maximo posibel.

No por laga afo e esfuerso conhunto cu entidadnan bancario, FCCA y Volkskrediet Bank pa duna un espacio financiero na nos ciudadanonan cu a perde trabou of a bay atras den nan entradanan.

Igualmente algo cu sigur ta di aprecia ta e forma con gobierno ta bay duna sosten financiero na tur esnan cu perde trabou, mientras cu e medidanan presenta den e di dos fase di reforma fiscal no lo wordo implementa mas. “Ta trata di decisionnan tuma pa pone Aruba y su hendenan na prome lugar. Awo ta keda na nos mesun hendenan pa coopera. Hunto nos POR”, Alan Howell a finalisa.

*Booshi Wever (UPP):*

## ‘Who is sleeping with the monopolist now?’



**ORANJESTAD -** Recientemente nos por a tende MinPres anuncia cu lo bay na suavisa e reglanan pa establecimiento di mas clinicanan priva, nos a puntra nos mes caba kico ta pasando cu e partido Social Democra cu e gran lider Betico Croes, d.f.m., a funda?? E partido parce di berdad ta birando un partido liberal.

Lubidando kico esaki por causa cu e gastonan di AZV lo aumenta, un AZV cu ya caba ta bou di presion.

Ken lo bay controla e clinicanan aki? Of e laboratorionan? E Inspeccion di Salud Publico tin e toolnan y e personal pa haci esaki?? Parlamentarionan di MEP cu yen di fanfaria a anuncia cu lo pidi minister di Salud pa forma un comision y (bolbe) bay studia AZV. Y diripiente sin studia kico ta e pros y cons, y warda riba resultado

di estudio, ta core anuncia atrobe algo populista.

Awor nos a bin comprende cu e defensa inmenso hiba pa sigur e Parlamentarionan di MEP (-1) y di POR pa supuesto sobrevivencia di Serlimar como compania estatal a bin ta cay na awa. Si a acusa e “monopolista” di mas grandi cu e ta kibrando Serlimar, nos a comprende cu lo a cera un contracto cu e compania aki, pa esaki tuma e operacion general over na Sero Teishi, pero sin ningun cambio den prijs, sin un destaho publico y sin cu a pensa pa diseña y presenta un plan integral pa maneho di desperdicio na Aruba. Atrobe ta identifica un maneho ad-hoc, manera parce a bira custumber pa e gobierno aki.

Unda transparencia a keda? Pakico a cambia di compania, Caribbean Trucking pa Ecotech? E prijs a keda mescos? Ecogas no a bisa cu nan

lo por a hacie pa 18 florin enbez di 60 florin?

Awor si Ecotech ta bon? A core cu Caribbean Trucking? Of e mester bay traha bou Ecogas? Kico tin ey bou? Kico a pasa anto??

E sponsor di O.O. ta sigui probecha di e beneficianan di e contracto lucrativo cu el a haya via un fixmento di parti di O.O??

Ta purba di core cu tur esnan cu sea a haci daño door di mal maneho (Davelaar) of a probecha (amigonan y sponsor di e Scorpion), pa asina laba cabes di e ex-minister? Kendenan ta den e management-team nobo? Kico minister nobo su rol ta te awor aki?

Aki parece cu ta bezig pa sea contaminacion e escena di e crimen cu a wordo cometi contra pueblo of estilo mafia, ta manda e “schoonmaakploeg” pa limpia henter e escena di e crimen, pa asina no por acusa sigur no e ex-minister Scorpion?

Anto partido geel ta coopera cu esaki, ora mester pasa e ley den Staten? Pakico mester a haci bida dificil di bo mesun colega, te pone bandona partido, pa awe toch bay den scochi di esun cu a wordo tilda di ta “e monopolista mas grandi di Aruba”??!

E pregunta clave aki ta: “WHO IS SLEEPING WITH WHO NOW”??

Serlimar lo keda un problema mientras no haci un investigacion profundo prome pa sa kico a pasa, con e situacion financiero actual ta. Awor atrobe a bin cu decisionnan ad-hoc, en bes di a bin cu un plan integral pa maneho di desperdicio. UPP tin e impresion cu e partidonan na mando ta sucumbi pa interes partidista y ta prefera awor di tambe subi e “cama monopolista” cu tanto a critica e miembro independiente di a haci den pasado. Awor si e fanaticonan lo bay apoya y elogia e compania despues cu nan a lastra na tur manera y forma?

Cu e dos asuntonan ariba menciona ta mas cu obvio cu MEP poco poco ta bandonando su principio Social Democra pa beneficio partidista y parce cu nan unico sagrado deber di nan ta awor, di “cueste loque cueste” garantisa continuacion di gobernacion?! #hopitristo.

## Fraccion MEP a enfatisa e importancia di Himno, Bandera na muchanan di Imeldahof



**ORNANJESTAD - Recientemente en conexion cu celebracion dia nacional a enfatisa e importancia di e historia di nos Himno, Bandera y di nos Libertador hunto cu nos muchanan di Imeldahof**

Nos a celebra hunto cu nos muchanan di Imeldahof cu a bay un tour cu e Bus di Alegria y na final tabatin un celebracion na Imeldahof. Sigur tabata un dia pa nos recorda nan, cu nan cada un ta un heroe. Nan a tende e testimonio di "Master Gusto" Derwin Kemp cu mescos cu nan di su 2 te cu 16 aña a biba na Imeldahof y ta un bibo ehempel cu tur cos den bida ta posibel tanten nos traha duro. Tambe tur presente por a gosa di 2 bunita presentacion di Muchanan Sabi bou coordinacion di Edselyn Figaroa.

Un pabien na Minister Glenbert Croes y e team completo di su ministerio cu a haci e dia aki posibel. E alegria riba cara di cada mucha ta un felicidad pa experiencia.



*Prome Minister Evelyn Wever-Croes:*

## ‘Creatividad y espirito innovador di nos Arubianonan lo yuda nos supera e crisis’

**ORANJESTAD** - Nos pais ta pasando den momentonan dificil causa pa un situacion sin presidencia. Pa prome biaha den historia di nos pais, nos a cera frontera pa bishitantenan, cortando asina den e ader principal di nos economia. E decisionnan aki tabata sumamente dificil pa tuma. Den su discurso pa Dia di Himno y Bandera, Prome Minister Evelyn Wever-Croes a enfatisa cu Gobierno di Aruba ta haciendo tur posibel pa nos dushi Aruba sali miho posibel di e crisis aki.

“Como e Lider di e pais, como bo Prome Minister, mi kier sigura bo cu Gobierno di Aruba ta haciendo y lo haci tur lo posibel pa bringa e efectonan di Corona Virus, proteha salud di nos pueblo, specialmente esnan di edad halto of delicado di salud. Den crisis aki nos ta trahando cu un team profesional den atende crisis y temanan di salud, y nos ta wordo asisti pa



organizacionnan internacional, manera RVIM y PAHO.

Ademas, Aruba ta conta cu un team di persona sumamente dedica y profesional den e area di cuidado. Nos dokternan, enfermeronan, y tur esnan cu

ta traha den e sector di cuidado. Nos por ta hopi orguyoso di nan, y den nomber di Gobierno di Aruba y pueblo di Aruba, mi ta bisa boso danki di curason.

Nos ta trahando tambe riba

un plan pa yuda e trahadonan cu perde trabou, y e doñonan di trabou cu nan negoshi ta wordo afecta.

Lo no ta facil, sigur no considerando cu prome cu esaki, nos tabata tin caba hopi prob-

lema financiero. Sinembargo, nos ta buscando di tur forma pa por yega na fondo pa yuda esnan cu wordo afecta. E gesto di banconan pa tene cuenta cu e circunstancianan dificil aki, ta wordo hopi aprecia.

Nos ta haciendo lo posible y lo imposible pa combati e crisis aki. Futuro lo muestra si e decisionnan cu nos a tuma awe tabata esnan corecto. Pero mi ta convenci cu nos a actua y ta actuando y lo actua di acuerdo cu e miho consehonan, y cu nos consenshi na e luga corecto: ciudadanonan di pais Aruba. Mi ta pidi tur ciudadano pa coopera pa hunto nos bringa e virus aki hunto.

Den e ultimo dianan aki, den e crisis aki sin precedencia, mi ta puntra mi mes kico e crisis aki kier siña mi.

Y mi no tin e contesta ainda. Pero mi ta pensa, talbes e kier siña nos pa nos ta mas uni? Pa nos ta mas humano un cu otro? Pa tene mas cuenta cu otro?

## Hospital a instala “Pre triage tent” pa evita riesgo di contagio

**ORANJESTAD** - Recientemente Dr. Horacio E. Oduber Hospital a pone un “Pre triage tent” net banda di Departamento di Emergencia, esaki ta pa minimalisa e riesgo d contagio. Esaki ta encera cu si Bo mester di ayudo di Dokter na warda of mester bay Departamento di Emergencia, tur pashent tin cu pasa via e Pre-triage tent aki. Pone bon atencion cu na e Pre-triage tent aki no ta haci test di Coronavirus, pues si bo tin e sintomanan yama e call center na 280 0101.

Si bo mester acudi na e Dokter na warda (HAP), pasa prome na e pre-triage tent situa banda di Departamento di Emergencia. Eynan tin dunadonan di cuidado specialisa cu lo haci preguntanan cardinal por ehempel si bo tabata afo, si bo tabata den contact cu pashent cu tin Coronavirus, etc. Tambe nan lo check bo temperatura, presion etc. A base di bo contestanan nan lo referi



bo pa na e luga corecto pa bo haya e cuidado necesario.

Charlaine Huntington, en-

carga cu e departamento di Comunicacion na Hospital,

a duna di conoce cu a base di e preguntanan aki nan lo manda bo Dokter na warda, of Departamento di Emergencia, of bo dokter di cas y si bo tin e sintomanan di Coronavirus nan lo referi bo na e call center 280 0101. Pues Hospital ta suplica tur hende pa tin extra comprension. Ban minimalisa e riesgo di contagion y no bin Hospital si no ta necesario.

Si bo mester bishita Dokter na warda e orario ta di di-aluna pa diabierna 6:30PM pa 10:30PM, durante fin di siman y dianan di fiesta e orarionan ta di 9:00AM pa 1:00pm y 6:00PM pa 10:00PM. Si bo tin sintomanan di Coronavirus, esta keintura halto di 38 grado, tosamento seco y problema pa hala rosea, yama e tiplijn di 2800101.

Ta pidi pa no bin Hospital si tin e sintomanan aki, sino minimalisa e riesgo di contagio. Si bo ta hopi malo, mas cu claro nos t’ey na Departamento di Emergencia pa atende Bo!

## AMA ta urgi pa no lubida riba yiunan di tera den combate di COVID-19



**ORANJESTAD - Dia 13 di maart nan a constata e prome caso di pashent cu corona-virus na Corsou. Gobierno local y exper-tonan, manera dr. Gerstenbluth, a tuma medida di prevencion inmediatamente.**

Ta informa pueblo frecuentemente di e desaroyonan y e medidanan pa medio di diferente ruedanan di prensa. Te cu awor Boneiro, Saba y St. Eustatius no tin niun caso di COVID-19. Dia 17 di maart nan a constata e prome caso na e parti Hulandes di e isla St. Maarten. Prome cu esaki tabatin dos caso conoci na e parti Frances di e isla. Na Aruba dia 13 di maart ultimo a constata dos caso di COVID-19 y e di tres caso riba 16 di maart. E instancianan concerni tambe a tuma medidanan necesario directamente pa

preveni cu e malesa ta sigui plama.

Como reaccion riba e infeccion creciente den Europa y cu e entrada di COVID-19 riba nos islanan, a dicidi pa para tur traficacion aereo for di Europa te un proximo aviso. Den un comunicado oficial di parti di gobierno di Corsou ta indica cu ta admiti solamente habitantenan cu ta na Europa, cu excepcion di algun grupo manera specialistanan medico y profesional den cuidado.

Den cuadro di e informacion aki Asociacion Medico di Antias (AMA) ta pone su mes disponibel pa yuda pensa riba e posibilidadnan pa trece personal for di Hulanda den caso cu presenta e necesidad pa yudansa adicional den cuidado na e islanan Hulandes den Caribe. E situacion den Europa ta pone cu nos ta mira e necesidad pa actua na tempo

y tuma medidanan preventivo. E team di calamidad ta riba bon caminda caba, pero por pone e capacidad di cuidado bou di presion den caso cu e crisis di COVID-19 manifesta su mes di e mesun manera cu Europa.

“AMA ta consisti di sigur 200 profesionalnan den e area di medicina cu ta bini for di Aruba, Boneiro, Corsou, St. Maarten, Saba y St. Eustatius. E asociacion ta consisti entre otro di dokternan, boticari-onan, studiantenan di medicina y farmacia, dentista y otro profesionalnan den e sector di salubridad. E miembronan aki ta bibando na Hulanda, pero apesar di e distancia, ta sinti nan mes parti di e desaroyonan riba nos islanan y kier yuda activamente cu esaki”, ta palabranan di Thaïs Tong, president di e asociacion.

Diadomingo 15 di maart 2020 AMA a haci un yamada na tur

profesionalnan den e sector di salubridad pa inventarisa nan disponibilidad den caso cu haci un apelacion pa duna contribucion pa combati un brote riba nos islanan. Esaki a resulta den reaccionnan positivo y te cu awor aki tin mas cu 60 profesionalnan registra. Banda di esey e gobernantenan local y hospitalnan ta na altura di nos proyecto. “Minister President di Aruba, Evelyn Wever-Croes a indica di ta contento cu nos cooperacion y yudansa y a duna di conoce di tuma contacto directamente cu nos den caso cu tin mester”, segun Aveline Figaroa, vice-president di asuntonan externo di AMA.

E asociacion ta sumamente contento cu e reaccionnan cu a drenta te na e momentonan aki y kier a enfatisa na e hospitalnan y gobernantenan local pa tuma e proposicion na serio di manera cu por yega na un plan. Den un comunicado recien encuanto e situacion na Aruba tabatin un declaracion di sra. Sharline Koolman di Directie Volksgezondheid, cu no por haya yudansa facil for di Hulanda den forma di personal, mirando e situacion cu Hulanda mes ta confrontando. Aparte di esey, den algun hospital na Hulanda a para algun intercambio di personal cu tabata plania pa bin nos islanan. Riba esaki a cera e fronteranan cu Colombia como prevencion, cual tin tambe como

consecuencia cu transporte di pashent pa Colombia tampoco ta posibel. “E desaroyonan aki ta enfatisa e echo cu tin mester di nos contribucion como yiunan di tera pa yega na un solucion den caso cu nos islanan no por conta cu profesionalnan for di Hulanda via di e camindanan di salubridad existente”, segun Stephany Archangel-Krips, tesorero di AMA.

AMA ta brinda un solucion creativo den caso cu surgi scarsedad. Nos a brinda e posibilidad na e profesionalnan di conoce di ki manera nan ta disponibel. Riba e formulario di inscripcion por indica di cua manera ta disponibel pa yuda, sea na e islanan of riba distancia como intermediario na Hulanda. “Nos ta disponibel pa yuda pensa na posibel solucionnan y duna yudansa personalmente na nos islanan cu e diferente tareanan. Esakinan ta encera “triage” na dokternan di cas, atende yamadanan y duna asistencianan (manera hospitalnan y GGD), duna informacion na comunidad, haci e diferente testnan caminda ta necesario”, segun Thaïs Tong. E asociacion ta spera cu e medidanan tuma na e momentonan aki ta evita un brote y cu e casonan no ta surpasa e capacidad di cuidado. Nos kier enfatisa cu nos islanan por conta riba nos sosten, aunke nos ta na Hulanda!

**BONDIA ARUBA**

Laga nos  
**STOP**  
di Skonde

ABUSO CONTRA MUCHA  
kibra silencio yama:  
**588-1010**



## Minister Plenipotenciario : “Aruba ta pidi pa solidaridad den Reino”

**DEN HAAG** –“Na e momentonan aki no solamente Aruba sino mundo henter ta den crisis. Un crisis den forma di virus cu ta enemigo comun di tur partner di Reino Hulandes. Awor no ta e momento na mira kende ta di Caribe Hulandes of kende ta Hulandes Europeo. Awor ta un periodo di pone nos diferencianan un banda na bienestar di nos comunidad. Pa enfrenta e crisis causa pa corona virus y vence ta un solucion tin: **Uni forsa!**” Esaki ta e mensahe cu Minister Plenipotenciario, sr. Guillfred Besaril a duna den e reunion di Consejo di Minister di Reino di awe diabierna 20 di maart 2020.

E mandatario a ilustra cu pa por a combati e corona virus, Gobierno di Aruba mester a yega na e decision dificil pa

cera su frontera pa tur bishitante – sin excepcion – te cu 31 di maart proximo. Esaki lo nifica cu hopi hende na Aruba nan entrada lo ta na peligro den e proximo dianan.

“Nos lo pidi Consejo di Minister di Reino pa laga CAft haci un quick-scan di e liquides di Gobierno di Aruba. Ademas lo haci un proposicion na Hulanda pa brinda Aruba un sosten financiero of duna Aruba e apoyo necesario na yega na un pakete financiero pa subsecuentemente pais Aruba duna su clase laboral, comerciantenan tanto chikito, mediano como e companianan grandi e espacio y alivio necesario pa por recupera lo antes posibel di e situacion actual”. Minister Plenipotenciario Besaril a sigui elabora.

“Nos pais a tuma medidanan drastico pa frena e corona vi-



rus y awor a yega e momento pa hunto, como un solo Reino, nos lora manga pa saca

nos Pueblo for di e situacion aki!” Minister Plenipotenciario Besaril a bisa na final

di e reunion di Consejo di Minister di Reino.

## Hospital cu adaptacion mas estricto pa bishitante



**ORANJESTA** –**Recientemente Hospital cu adaptacionnan mas estricto pa bishitante.**

Distanciamiento social ta e yabi primordial pa contene y minimalisa riesgo di contagio y Hospital ya a tuma algun medida di precaucion cu a ser anuncia recientemente. Cu algun di e medidanan ya tuma Hospital a dicidi di bira mas estricto teniendo distanciamiento social como e punto di salida.

Hospital a minimalisa su orario di bishita na orarionan di 11.30am pa 1pm y di 7pm pa 8pm. Durante e orario di bishita ta permiti solamente 1 (un) bishitante mayor di edad (18 aña bay ariba) pa pashentnan interna durante e orario di bishita stipula. Esaki ta nifica cu ta 1 (un) persona so por bishita e pashent durante 11.30am pa 1pm. “Si por ehempel dicidi di bando na Hospital prome cu orario di bishita termina no por cambia cu un otro persona pa e subi y bishita. E mesun regla ta na vigor pa orario di bishita di anochi. Tin algun departamento cu excepcion y ta rekeri un dagpas manera departamento di mucha y maternidad. Si esaki ta e caso por favor pasa y registra na e miembro di siguridad pa ricibi esaki”, asina Charlene Huntington, Manager di dept. di Comunicacion di

Hospital ta splica.

Na momento di yega Hospital por favor acudi na nos miembro di siguridad den e lobby na entrada principal. Eynan ta ricibi un carchi cu e number di camber riba dje, cual ta e prueba pa por subi y haci e bishita. Na momento di termina bo bishita mes- ter entrega e carchi aki back cerca e personal di siguridad. Ban mantene e riesgo abou y minimalisa bishita lo mas cu ta posibel. Sea creativo y ban haci uzo di tecnologia pa asina comunica frecuentemente cu bo ser keru.

Tene bon na cuenta cu si bo ta un pashent cu ta Coronavirus positivo of sospechoso, ta permiti solamente 1 bishitante fiho y e mesun persona aki SO por sigui bishita bo durante bo estadia completo. Por favor mantene un bon higiena di man haciendo uzo di nos hand sanitizers situa na diferente luganan strategico na momento prome y despues di haci bo bishita. Si encaso bo tin un di e sintomanan di coronavirus, esta keintura riba 38 grado, tos seco y falta di rosea por favor tuma contacto cu e call-center institui pa Gobierno di Aruba na telefon 2800101. Pa asina combati contagio no acudi Huisartsenpost (dokter na warda) y solamente acudi Departamento di Emergencia si encaso bo tin sintomanan severo.

## Oficina di KWF Aruba ta cera te proximo aviso



**ORANJESTAD** - Oficina di Koningin Wilhelmina Fonds lo ta cera te proximo aviso. Esaki pa proteha nos hende grandinan cu ta nos cliente, e ekipo di thuiszorg, nos boluntarionan y nan famianan contra posibel contacto cu e coronavirus.

Pa caso di Thuiszorg por tuma contacto cu zr. Lorcencia Geerman na 563-1435.

Pa caso di hulpverlening of casonan di urgencia por tuma contacto cu Dave Martinus na 566-9333.

## BCI cera te cu 31 di maart

**ORANJESTAD**- Bureau City Inspector cu algun informacion importante relaciona cu nos servicio cu lo wordo afecta pa e Corona Virus.

Enconexion cu e anuncio cu Gobierno di Aruba a anuncia referente e pandemia di e Corona Virus riba nos isla, B.C.I. kier participa cu desde 16 di maart 2020 te cu 31 di maart 2020 lo tin algun cambio pa locual ta trata nos servicicionan. B.C.I. kier a participa na e comunidad di Aruba cu nos servicio lo minimalisa entrante dialuna 16 maart te cu 31 maart 2020. Nos ta spera di por conta cu cooperacion di e comunidad pa cu esaki mirando cu nos ta pasando den un periodo dificil

door di e corona virus.

1. Nos lo no bay ta dunando servicio na balie di BCI.
2. Tur keho por wordo haci via e-mail riba e website di [infraruba.com](http://infraruba.com) of via telefon 5829777. E orario pa haci yamadan ta keda manera semper di dialuna pa diabierna di 08.00am. pa 16.00pm.
3. Nos lo Sali solamente pa casonan Urgente.

Den number di staf y personal di Bureau City Inspector nos ta pidi nos disculpa pa cu esaki y ta spera di por conta cu e cooperacion di Pueblo di Aruba.

## A cancela Concierto Dominical di 29 di maart

**ORANJESTAD** - Pa medio di e comunicado aki Comision Organizado di Concierto Dominical "Donny Laclé" ta anuncia, cu a cancela e concierto cu lo a tuma lugar diadomingo dia 29 di maart.

Cu e cancelacion aki e comision ta cumpli cu e medidanan relaciona cu e Corona virus. Asina situacion normalisa, nos ta sigui cu e conciertonan. E comision ta desea tur hende un periodo tranquil. Cuida curpa y sostene otro.

## Yamado na stagiaire cu kier bay Hulanda bek

**KRALENDIJK** - Como consecuencia di e situacion dificil rond mundo relaciona cu pandemia di coronavirus, tin algun estudiante Hulandes cu ta studia of core stage den parti Caribense di Reino pa bolbe cas. Na e momentonan aki, posibilidad di biahe ta limita. KLM den proximo dianan a reserva un cantidad di stoel den vuelonan for di e islanan na Amsterdam.

Jora de Jong ta e persona di contact central pa informacion y sosten, e ta disponibel via +5999 462 6335 of +5999 527 2442 (tambe WhatsApp) [jora.de.jong@wereldstage.com](mailto:jora.de.jong@wereldstage.com).

Stagiairenan cu ya tabatin un vuelo di regreso cu KLM y kier cambia esaki, mester duna na momento di registro nan number segun nan paspoort, codigo di

booking, y fecha di e vuelo di regreso cu tabatin. KLM e dianan aki lo busca un vuelo di regreso. Stagiairenan cu no tin un ticket di KLM pero si kier bula bek cu KLM, por cumpra un ticket via pagina di internet di KLM.

Instancianan riba e islanan cu normalmente ta tene contacto cu stagiairenan ta inventarisando ken tin necesidad di bolbe.



## Royal Aurora Funeral Home & Crematory

"Pa paz lo mi hasi oracion y oracion, pa mi alma sea, Ote Sali, ta haci mi familia den oracion" (saludo 4:3)

Conforme cu voluntad di Dios y gradecido na bala of a haci y nifica den nos vida,

nos ta participa fayadamento di



**Sr. Jacobo "Coco" Edmeyer**

(\* 07-02-1934 † 12-03-2020)

Ex-clasificador di bala

Casa di Sr. Jacobo Edmeyer-Bernandez (A.L.M.)  
Membresia di Fundacion Mi Oshon

**Min y anegronan**

Rafel y Ruben Figaroa-Edmeyer  
Mavis y Fidel Krosendijk-Edmeyer  
Avelina "Woca" Edmeyer y Jacobo Krosendijk  
Yonchi Edmeyer  
Rafaela Ferro  
Jacoba Geronimo  
Evelina Dabera y Maria Medura

**Miembros yin**

Orlando Kelly-Sanchez y familia

**Miembros y miembran**

Sarainy Figaroa  
Jesús, Doris y Clayton Krosendijk  
Gyulaine, An-Jeze y Daphne Krosendijk  
Yvonne Quilotte y Sojaní Edmeyer

**Jacoba y Joy-Mir Geronimo**

Chris y Kim Weijer  
Jesús, Juvoly y Sojanita Krosendijk

**Miembros miembran y miembran**

Sigourney "Dijudij" Edmeyer  
Nora H Edmeyer  
Edward "Pier" Krosendijk y Bernia  
Yvonne Cecilia-Krosendijk y Bernia

**Miembros y miembran**

Zérona Leon, Ziley y Isabella Krosendijk, Jaydine Bayé, Kim Weijer, Die-celijn Mirijn, Jan-angely y Janelly Wijngaarde, Noshime, Shonari y Clarence Nijssen.

**Miembros y miembran**

Noranne "Nora" Edmeyer  
Edna "Eddy" Edmeyer  
Nora H Edmeyer  
General "Machi" y Rita Edmeyer

**Semnan**

Victorina "Bibi" Bernandez  
Reynaldo "Pati" Bernandez  
Luis "Wico" Bernandez

Sabino y Sojanita, primo y primona, comer y compaeron, tar tin y Sojanita Foris Edmeyer, Bernandez, Flanagan, Tromp, Everto, Janssen, Lucie, Paresch, Martijn, Boggrat, Concha, Kock, Bernes, van der Biech, Gerardus, Frans, Frank, Luyckx, Gomez, Ferra, Eiel, Rosa, Modera, Ferra, Figaroa, Krosendijk y Krosendijk.

Pa motibo di e situacion actual di Salud Publica, nos ta suplica pa pa nishi bishita di condolencia na cas y bese e acta di entiero den caso necesario. Animo cu e situacion momental ta bese un modo sacrificio di bise un momento, cu e oportunidad pa nishi condolencia. Nos ta spera di por bese e compaeronan di tur amigo y conocianan di Papa Dios.



Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado di Sorteo 20 Mar 2020 Anochi

<b>CATOCCHI</b>
Sorteo # 7039
<b>2459</b>
<b>3093</b>
<b>6404</b>
<b>BIG 4</b>
Sorteo # 6083
<b>2408</b>
<b>1OFF</b>
Sorteo # 788
<b>0798</b>
<b>ZODIAC</b>
Sorteo # 4842
<b>8111</b>
<b>virgo</b>
<b>KORSOU</b>
Sorteo # 2706
<b>7882</b>
<b>4980</b>
<b>3595</b>

<b>LOTTO 5</b>		
Sorteo #	Joker	Letter
0 x Jackpot	<b>520.000,-</b>	
0 x Match 4+		
0 x Match 4		
0 x Afl. 12,00		

<b>LOTTO DI DIA</b>	<b>07-11-16-24-26</b>
Sorteo # 5066	Proximo Jackpot
0 x Jackpot	<b>57.000,-</b>
6 x Match 4	
107 x Afl. 8,00	

<b>MINI MEGA</b>	<b>10-22-26-27</b>
Sorteo # 1248	Mega Ball 07
0 x Jackpot	<b>360.000,-</b>
1 x match 4	
3 x Afl. 500,00	
37 x Afl. 50,00	
53 x Afl. 15,00	

<b>MINI MEGA PLUS</b>	<b>Afl. 460.000,-</b>
-----------------------	-----------------------



**DIARIO** 3762-7814-0744

**SUPER 4** 8695



Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado di Sorteo 20 Maart 2020 Merdia

<b>CATOCCHI</b>
Sorteo # 2862
<b>7690</b>
<b>8061</b>
<b>2282</b>
<b>BIG 4</b>
Sorteo # 2862
<b>0356</b>
<b>1OFF</b>
Sorteo # 918
<b>4218</b>
<b>ZODIAC</b>
Sorteo # 2862
<b>2810</b>
<b>Capricorn</b>

<b>LOTTO 5</b>		
Sorteo #	Joker	Letter
0 x Jackpot	<b>520.000,-</b>	
0 x Match 4+		
0 x Match 4		
0 x Afl. 12,00		

<b>LOTTO DI DIA</b>	<b>Proximo Jackpot</b>
Sorteo #	<b>56.000,-</b>
0 x Jackpot	
0 x Afl. 8,00	

<b>MINI MEGA</b>	<b>Proximo Jackpot</b>
Sorteo #	Mega Ball
0 x Jackpot	<b>350.000,-</b>
0 x match 4	
0 x Afl. 500,00	
0 x Afl. 50,00	
0 x Afl. 15,00	

<b>MINI MEGA PLUS</b>	<b>Afl. 450.000,-</b>
-----------------------	-----------------------



**Aries**

Luna ta den bo elemento activo di e parti entusiasma y aventurero di bo bida. Durante e dia di awe hopi cos cu bo a soña lo materialisa. Lo aproxima momentonan importante. Number: 19, 21, 32 46.



**Tauro**

Lo bay tin un eclipse di luna. Bo experiencia y intuicion lo indicado loke bo mester haci. Sea prudente na ora di expresa bo opinion y sentimentonan y evita papia di mas. Number: 18, 20, 22 36.



**Geminis**

Cuida e detayenan di e dia aki. Kendenan stima bo lo sa di aprecia esakinan. Hopi bi-aha ta e cosnan chikito ta haci cu amor ta florece y ta mantene e entusiasmo. Number: 16, 24, 36 44.



**Cancer**

Eclipse di luna ta duna bida na oportunidadnan nobo. Luna ta den transito door di e elemento di candela, precisamente e weekend aki cu ta inspira bo. Number: 4, 17, 25 35.



**Leo**

No solamente mester sa con pa papia. Ta hopi importante scucha. E ciclo cu a cuminsa cu e eclipse di luna por causa un exceso di entusiasmo y haci bo mira amor caminda e no t'ey mas. Number: 16, 22, 34 45.



**Virgo**

E eclipse di luna den bo bida, lo habri un caminda diferente yena cu amor. Ora cu aclaria e puntonan cu ta haci bo inquieto, bo lo bo mira con bo bida sentimental lo gana. Number: 7, 18, 23 35.



**Libra**

E eclipse di luna ta loke bo tabata spera y lo materialisa pronto. E di dos eclipse di luna di e aña aki lo trece y tur cos cu ta pone bo pensa, reflexiona y actua. Lo bo haya un sorpresa. Number: 18, 23, 27 31.



**Scorpio**

Bo horizonte sentimental lo enrikece. Biba bo fantasia, pero cu persuasion pa no complica bo bida e ciclo aki. Awo bo horizonte nan sentimental lo enrikece. Number: 19, 23, 30 41.



**Sagittario**

Un ilusion di pasado lo renace. E energia di luna den bo sino lo yuda descubri interesnan. E aspecto feliz aki lo contribui pa bo sinti bo mes cu mas sigur na momento di tuma cualkier decision. Number: 2, 11, 22 35.



**Capricornio**

Tuma iniciativa y no sigui warda. Pone bo creatividad y imaginacion funciona pa haci algo diferente awe nochi. Sigui bo impulsonan intuitivo, pero cu bo sentido comun. Number: 10, 24, 37 40.



**Aquario**

Lo bo bay tin un espacio di tempo pa biba. Ta ora di scucha y no di yega na conclusionnan sin scucha splicacion. Controla bo mes prome cu husga, atende cu e persona ey. Number: 19, 23, 45 54.



**Pisces**

Lo bo wordo inspira pa haci algo nobo den bo bida intimo. Cu e cosmico precedente di e eclipse luga, lo bo sinti bo mes inspira cu diferente cos den bo bida. Number: 3, 11, 22 31.



**Cas Di Cultura**

Vondellaan 2 Aruba  
297-582-1010

**F A D A**

Campanastraat 5 Aruba  
297-583-2999  
297-583-9610

**F A V I**

Primavera 233 Aruba  
297-582-5051  
297-582-5222

**F E P O**

Engelandstraat 15 Aruba  
297-583-1016  
297-583-6607

**Fundacion Hende Muhe den Dificultad**  
Tel: 583-5400

**Fundacion Autismo Aruba**

Irenestraat 21 Aruba  
297-588-1179

**Fundacion Pa Nos Muchanan**

Cumana 2 Aruba  
297-583-4247

**Fundacion Tel Pa Hubentud**

Wilhelminastraat 19 Aruba  
297-588-6138

**Koningin Wilhelmina Fonds**

Spinozastraat 9 Aruba  
297-582-0412

**Mary Joan Foundation**

Sabana Blanco 8 Aruba

297-588-9999

**Rode Kruis Aruba**

Pedro Gallegostraat 14  
Tel. 297-582-2219  
Fax 588-3376

**Famia Planea (SBVO)**

Avenida Milio J Croes 17 B Aruba

297-588-9591

www.famiaplanea.org  
famiaplanea@hotmail.com

**Stichting Fundacion Guia Mi**

George Madurostraat 34  
297-582-0088

**Y M C A**

Calbasstraat 1 Aruba  
297-582-3072

**AL-ANON group**

Sabana Liber #8, Noord (close to the hotels)  
Tel: 736-2952 or 593-7081

**Dokter na warda**



**Oranjestad**

Hospital  
7:00 pm / 10:00 pm

**San Nicolas**

Imsan 24/7

**Botica na warda**

**Oranjestad:**

Sta. Cruz  
Tel. 585 6890

**San Nicolas:**

Seroe Preto  
Tel. 584 4833

**Servicio di Taxi**

**Aruba Transfer Tour & Taxi C.A.**

Pos Abao #41  
P.O. Box 723 Aruba  
Tel: 582 2116 / 582 2010  
Fax: 583 6988



**A1 Taxi Services Aruba**

Moko 56 T  
Tel: 587-8850  
Tel: 280-2828  
Whatsapp: 592-7024  
E-mail: a1taxiservices.aruba@hotmail.com

**Taxi Adres Services (24h)**

L.G. Smith Blvd. #234  
Oranjestad Aruba  
Tel. 587 5900  
Fax: 587 1928  
E-mail: tas@setarnet.aw

**PASONAN PA LABA MAN**

E PROCEDURA TA TUMA: 40-60 SECONDE

0 Muha bo man prome.  
1 Pone suficiente habon pa cubri e superficie di bo man.  
2 Frega bo mannan na otro plant'i man cu plant'i man.  
3 Pone bo plant'i man (drecht) riba bo man (robes), 'interlock' cruza bo dedenan den otro. Ripiti esaki na e otro man.  
4 Pone bo plant'i mannan contra otro y 'interlock' cruza bo dedenan den otro.  
5 Frega bo huña di bo dedenan di un man contra e plant'i man di e otro man, mantenendo bo dedenan cera hunto.  
6 Frega bo duim (robes) cu e plant'i man di bo man (drecht) cera riba dje, frega y move den circulo. Ripiti esaki na e otro man.  
7 Cu e punta di bo dedenan di bo man (drecht) frega den forma di circulo contra e plant'i man (robes). Ripiti esaki na e otro man.  
8 Hawa bo man.  
9 Seca bo mannan cu papel di un solo uzo.  
10 Uza e papel pa cera e cranchi.  
11 Y bo mannan ta limpi y safel

Fuente: World Health Organization Traduci pa Dr. Dellanire Y. Maduro Februari 2020

**EMERGENCIA**

911

POLIS	
Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

**BOTICA**

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

**UTILIDAD**

Setar	117
Web	525-4600
Elmar	523-7147

**FUNERARIA**

Aurora	588-6699
Ad Patres	584-2299
Olive Tree	584-8888
Royal Funeral H.	586-4444

**Centrale Bank van Aruba**  
Daily Exchange Rates - 03/20/2020



Currency <sup>1</sup>	Buying from Public <sup>2</sup>	Buying from Public <sup>3</sup>	Selling to Public
ANG	98.00	100.00	100.20
ANG1 <sup>4</sup>	-	-	100.00
USD	1.77	1.78	1.80
CAD	1.23	1.25	1.27
CHF	181.49	182.21	183.01
GBP	2.03	2.08	2.14
JPY	160.56	162.02	163.65
EUR	189.79	191.53	193.45
DKK	24.64	25.36	26.16
NOK	15.44	16.16	16.96
SEK	16.31	17.03	17.83

For amounts up to Afl. 100,000

## Pronostico di Tempo

**Tempo:**

Parcialmente nubia cu un awasero breve

Temperatura maximo 32 grado Celsius, temperatura minimo 26 grado Celsius.

Bahada di solo: 6:51pm  
Subida di solo : 6:43am.

**Biento:**

For di direccion entre oost-noordoost y oost y modera: forsa 3 te 4 (12 te 30 kn/ora, 7 te 16 nudo). Den dia basta fuerte te fuerte den rafaga: forsa 5 te 6 (31 te 50 km/ora, 17 te 27 nudo).

**Situacion general di tempo pa proximo 24:**

Aire relativamente seco den region local lo stroba formacion di mayoria nubia cu por produci awasero. Sinembargo den oranan di marduga y mainta tempran humedad por bira net suficiente pa por produci e ora ey un awasero breve.

**Condicion maritimo/ estado di :**

Un estado di lama generalmente modera ta wordo spera a proximo 24 ora. Olanan ta for di direccion noordoost cu haltura di 3



te localmente 6 pia na partinan oost te noordoost.

**Aviso/ alerta:**

Ta suplica operadonan di boto chikito pa bay cu cautela riba partinan oost te noordoost di costa y lama ariba.

## Lo continua cu servicio di caha na Camacuri solamente



**ORANJESTAD – Entrante dialuna, dia 23 di maart 2020, Departamento di Impuesto ta stop di brinda servicio na tur MFA. Lo continua cu servicio di caha unicamente na su oficina principal na Camacuri. Esaki ta conta tambe pa esnan cu mester haci pago di permiso pa DIMAS. Departamento di Impuesto ta sigui opera segun e orario di custumber, teniendo na cuenta si cu e cantidad lim-**

**ita di bishitante cu ta wordo permiti pa drenta paden.**

Pa loke ta e servicio na e balie di recepcion y otro servicio na cliente na su oficina na Camacuri, esakinan ta keda cera te proximo aviso y lo bay den un forma digital. Departamento di Impuesto ta pidi su contribuyentenan pa tuma nota di e anuncio aki pa asina evita cualkier inconveniencia.

## Examens na scolnan di EPB a sigui



**ORANJESTAD - Scolnan di E.P.B. lo ta cera en conexion cu Covid-19 (virus di Corona), en todo caso, te 31 di maart 2020. Pa e gruponan di prome, di dos y di tres aña escolar, nos ta buscando un solucion pa compensa pa e dianan cu no tin les.**

Alumno di examenklas lo haya oportunidad pa finalisa nan area di studio (opleiding) e aña aki. Otro siman, 25, 26 of 27 di maart 2020, cada candidato di examen lo ricibi materia di scol na nan cas. E materia ta consisti di instruccion, resumen y tareanan pa practica, pa asina e alumnonan por prepara pa nan examen. Ta importante pa tur alumno sigui e instruccionnan riba nan mes. Ta pidi tur mayor pa sostene y motiva e alumnonan.

Importante! Si alumno no ricibi e envelop dia 27 di maart, nan mester yama scol dialuna 30 di maart pa busca nan preparacion pa examen na scol.

Informacion tocante e fechanan di schoolexamen lo keda anuncia e.o. riba pagina di Facebook di SEPB.

E pagina di Facebook ta: <https://www.facebook.com/stichting.epb>

## Cruz Cora Aruba cu cambionan relaciona cu COVID-19

**ORANJESTAD-Cruz Cora Aruba tambe ta den fase di prevencion y tin varios cambio cu kier anuncia na comunidad:**

- Tur curso na publico y compania ta wordo posponi te proximo aviso
- Tur asistencia na actividad publico ta cancela te proximo aviso
- Asamblea General Anual cu ta planea pa, diahuebs 19 di maart ta wordo posponi te proximo aviso
- Charity Bazaar ta cera te proximo aviso
- San Nicolas Branch ta cora te proximo aviso

Cruz Cora Dakota ta cera pa publico, pero ta disponibel na tel. 582-2219 y tambe via e-mail: [info@redcrossaruba.com](mailto:info@redcrossaruba.com)  
Departamento di Ayudo Social na cel. 568-8896 y [socialassistance@redcrossaruba.com](mailto:socialassistance@redcrossaruba.com)



## Fabricante de robot Chines ta mira aumento de demanda de robots de virus



**BEIJING (AP) — Mientras otro industrialian la luchando, Liu Zhiyong ta bisa cu brote de vir4us ta aumentando demanda pa su robot geel entrega cuminda y patruya centro comercial buscando publico cu no ta bisti mondmask.**

Liu, CEO de ZhenRobotics Corp., ta entre miyones de entrepreneur cu gradualmente ta bolbiendo trabou despues cu China a declara victoria contra coronavirus cu a shut down e segundo economia mas grandi de mundo.

Modelo 'flagship' de ZhenRobotics ta RoboPony, de seis taira y 68cm de altura. E garoshi autonomo ta na benta pa retailer, hospital, centro comercial, y compleho di apartamento.

A diferencia de aerolinea, hotel y otro industrialian enfrentando un recuperacion largo y incierto, Liu a bisa cu su ordennan a triplica desde cu e brote a cuminsa. "E epidemia a haci hende mas consciente de e fragilidad de ser humano", Liu a bisa. "Robots por contraresta e vulnerabilidad aki y provee servicicion cu hende por confia. Con-

fianza de robot a aumenta dramaticamente."

Robot pa uso de fabrica y industria de consumidor ta casi de cumbre de e lista de deseo de e Partido Comunista gobernante pa desaroyo de tecnologia. Lidernan Chines ta mira nan como un exportacion rendabel y un forma pa compensa un forsa laboral cu ta reduci mientras e poblacion ta bira biecu.

Beijing a gasta hopi pa set up departamentonan de robotica na universidatnan y institucionan de investigacion. Desaroyadonan de sector priva por aplica pa sumanan pa investigacion y otro sosten. ZhenRobotics, funda na 2016, ta haci su investigacion y desaroyo de e distrito universitario Zhongguancun de capital Chines, un hub pa companianan tecnologico. Liu a bisa cu e compania ta ricibi un rebaha de huur y otro sosten oficial.

Su investigadonan ta trahando riba tecnologicacion incluyendo aprendisaje de mashin, vision de computer y na-

begacion automatico, segun Liu. ZhenRobotics tin un centro de test de provincia sur oriental de Zhejiang, sur de Shanghai. Fabricacion ta na Shenzhen, cerca de Hong Kong.

Un de su robotnan ta patruya centro comercial Taikoo Hui na Shanghai. E por mira clientenan cu caranan sin tapa y recorda nan pa bisti un mondmask. E ta entrega hand sanitizer y ta transmiti informacion de e virus.

Suning.com Group Ltd., un de e retailernan mas grandi de China, ta usa RoboPony pa entrega cuminda y otro necesidanan na casnan durante e brote.

Demanda pa comercio online a aumenta despues cu Gobierno a corta acceso na ciudadnan cu un total de 60 miyon persona na fin de januari. Centenares de miyones mas de otro areanan a ricibi instruccion de keda cas lo mas posibel.

Gobierno de ciudad de Beijing a duna ZhenRobotics un

'boost' de marketing door de inclui e compania riba lista oficial de 'tecnologia nobo anti-epidemia'.

RoboPony, controla riba un app de celular, por transporta 40kg y biaha na velocidad de 10kph. Liu a nenga de bisa cuanto e robot ta costa.

Despues de cera pa Aña Nobo Lunar na januari, Liu a bay bek trabou dia 26 de januari. Otro empleadonan a cuminsa bolbe dia 30 de januari.

Tur excepto dos de e 50 empleadonan tabata bek pa dia 10 de maart, Liu a bisa. E otro dos ta trahando for de cas de provincia Hubei, unda coronavirus a aparece na december, y limitacion riba biahe ainda ta na vigor.

Liu tin plan pa aumenta investigacion de desinfeccion via luz ultravioleta y otro posibel caracteristicacion relaciona cu higiena. E compania tin plan pa produci 90 robot de proximo seis siman, Liu a bisa. "Nos a pone un cantidad grandi de orden na nos provedornan", el a bisa.

## Conan O'Brien lo transmiti su programa via iPhone for de cas

**NEW YORK (AP) — Cu iPhone y Skype, Conan O'Brien ta bolbe transmiti su programa.**

E anfitrión de anochi laat a bisa cu e lo resumi produccion de episodionan nobo de 'Conan' riba canal TBS dia 30 de maart. Su personal lo keda na cas, y lo hinca e show de otro cu O'Brien riba un iPhone y e invitadonan via Skype.

"Esaki no lo ta bunita, pero sinti bo liber de hari nos intento", O'Brien a bisa via Twitter.

E shownan laat anochi tur a shut down produccion pa motibo de pandemia de coronavirus, pa evita congregacion de audiencianan en bibo y teamnan grandi de produccion de television. Algun anfitrión a saca videonan online.

Jimmy Fallon a produci show de 10 minuut 'Na Cas' pa 'Tonight' de NBC. De un episodio, el a haci un video chat cu Lin-Manuel Miranda. Jimmy Kimmel y David Spade a duna monologo for de nan cas. Dialuna, Stephen Colbert a duna un monologo de 10 minuut for de su baño de un segmento agrega na

un re-transmission de un episodio de 'The Late Show' de CBS.

Sin embargo, O'Brien ta e prome pa intenta monta un transmission completo remotamente for de cas. "E calidad de mi trabou no lo baha pasobra tecnicamente esey no ta posibel", O'Brien a chansa de un declaracion.

Pa mayoria de hende, coronavirus ta causa unicamente sintoma leve of modera, manera keintura y tosamento. Pa algun, incluyendo adultonan de edad avansa of persona cu problema de salud

existente, por causa un malestar mas severo, incluyendo neumonia.

Mayoria de persona ta recupera de e virus.



## WHO: No tin evidencia cu ibuprofen ta empeora coronavirus

**LONDON (AP) — Organizacion Mundial di Salud (WHO) y otro agencianan lider ta bisa cu no tin evidencia pa sostene e sugerencia cu ibuprofen por empeora sintoma de COVID-19.**

WHO a bisa anteriormente e siman aki cu a haci un revision rapido y no a haya inves-

tigacion publica ni data riba e asunto. Tambe a check cerca dokter tratando pashent cu coronavirus.

WHO ta bisa cu 'no tabata na altura de ningun efecto negativo de ibuprofen mas leu de e efectonan secundario conoci'. A agrega cu no ta recomendando contra uso de ibuprofen pa trata keintura cerca

pashent de COVID-19.

Diahuebs, FDA de Merca tambe a declara cu no tabata na altura de ningun evidencia cu tuma un remedi manera ibuprofen por ta malo pa hende infecta cu coronavirus.

E agencianan tabata respondiendo na un tweet weekend ultimo di minister di

Salud Frances, kende a bisa pa hende cu ta kere cu tin COVID-19 no bebe ibuprofen. Olivier Veran a sugeri pa esunnan cu keintura bebe paracetamol.

Agencia de Medicina Europeo a bisa cu ta monitor e situacion de cerca. E agencia a bisa cu ora ta trata keintura of dolor de COVID-19, mes-

ter considera tur tratamiento disponible, incluyendo paracetamol y ibuprofen.

Den un carta publica online den journal Science, Garret A. Fitzgerald de Kings Health Partners na London y otronan a yama e tweet de Veran 'conseho mal informa'.

## Lo elimina pakete Reforma Fiscal di presupuesto

**ORANJESTAD - Recientemente durante un yamada di conferencia Prome Minister Evelyn Wever-Croes, Minister Knops, Premier di Corsou Eugene Rhuggenaath, Premier di St Maarten Silveria Jacobs a discuti e desaroyonan cu Hulanda y e tema financiero y con lo bay financia e efectonan pa lora ta trata Corona Virus.**

Como paisnan den Reino, cada un ta pasando den reto y dificultadnan cu e crisis actual ta treciendo cune. E efectonan di e crisis di Corona Virus ta mes cruel pa Hulanda como pais grandi y pa e islanan den Reino como paisnan chikito.

Segun e comunicado cu nos

a ricibi e mandatarionan a yega na cierto palabracionnan y Hulanda a ofrece su disponibilidad pa yuda busca fondonan financiero a traves di Union Europeo como tambe yuda busca fianza na interesnan faborabel riba mercado internacional pa asina no solamente nos cubri e gastonan cu e virus mes ta ocasionnan sino pa brinda asistencia na esnan cu tin mester.

Prome Minister a enfatisa cu ta hopi importante pa Aruba pasa e Presupuesto 2020 prome pasobra sin e presupuesto, no lo por bay presta placa riba mercado internacional. Presupuesto 2020 ta na Parlamento.

Den e Presupuesto 2020 Gobierno lo inclui un pakete di

alivio basa riba dos aspecto cual nan ta e sosten pa e trahado y e sosten na e comerciantenan cu lo wordo afecta pa e crisis aki.

Prome Minister a duna di conoce cu pa motibo di e circunstancia nobo di e crisis di Corona Virus, Gobierno di Aruba a tuma e decision pa elimina henter e pakete di Reforma Fiscal for di Presupuesto 2020. Por lo pronto, tur e cambionan cu Reforma Fiscal lo mester a bin cu ne, lo no sigui mientras cu Gobierno aworaki lo pone atencion na e crisis y enfoca riba con lo bay yuda comercio y ciudadanonan.

Prome Minister a enfatisa cu lo mester bay corta gasto tambe den e presupuesto. "Pasobra nos ta den tempo



di crisis y tur hende mester nos pais pa nos pasa door di e crisis aki y surpas'e".

## Prome Minister cu apelacion pa no sali y evita cu virus ta palma

**ORANJESTAD - Prome Minister Evelyn Wever-Croes cu apelacion na comunidad di Aruba pa no Sali y evita cu e virus ta plama.**

E mandatario ta haci un yamada di Gobierno pa lora ta trata precauacionnan cu mester tuma pa cu Corona Virus. "E virus aki y su efecto ta devastador pero e ta den nos man pa pone di nos parti pa evita cu e ta plama".

Durante ultimo dianan aki a nota liñanan grandi di personanan incluyendo mama



cu yiu y hende grandi na supermercado. E ta hopi importante pa enfatisa cu nos grandinan y esnan cu ta

delicado di salud ta un grupo di riesgo pa cu e virus aki. Pa ser mas exacto e virus aki por tin un final fatal pa es-

nan di edad mas halto y cu ta sufri di cualkier enfermedad. Ta hopi importante pa nos uza nos tino y cuida nos grandinan. Ban yuda nan haciendo compras pa nan evitando asina cu nan lo mester sali di nan cas. Ta di suma importancia tambe pa nos cuida esnan delicado di salud specialmente esunnan cu ta luchando cu cancer, pashent di dialisis, of cu ta sufri di presion halto ya cu e virus aki cu ta un simple griep pa nos pa nan por ta devastador.

E situacion aki ta uno hopi serio y ta importante pa cada

ciudadano duna e atencion necesario na esnan mas vulnerabel pa asina nan no exponen nan mes sin cu ta necesario.

Premier Wever-Croes ta pidi comunidad di Aruba pa por favor no sali si no tin mester. Entrante diasabra dia 21 di maart lo tin un toque de queda cuminsando di 9pm te cu 6am y tambe ta restringi entrada di tur bishitante y residente di pais Aruba. E medidanan aki lo ta valido te cu 31 di maart. Dependiendo di e situacion lo evalua si mester prolonga esaki.

## Tin suficiente producto pa abastece mercado local

**ORANJESTAD - Recientemente Minister Maduro a haci un apelacion na consumidornan pa haci compras den cantidad normal. E peticion aki a bin di e grupo di mayorista na Aruba cu a segura e mandatario cu tin suficiente producto den stock pa por abastece e demanda di e mercado local.**

Segun e comunicado cu nos a ricibi ta indica cu, si cuminsa compra na cantidad grandi, esaki ta pone cu ta crea un escasez innecesario.

E apelacion na nos comunidad ta pa limita nan compra y corda tambe riba esnan mas vulnerabel den nos comunidad. No tin mester di compra

un gran cantidad di producto si ta uno of dos so tin mester.

Minister Maduro ta recorda cu ta sumamente necesario pa nos evita aglomeracion di publico mas tanto cu ta posible. P'esey ta importante pa evita tambe e rijnan largo na supermercado. E situacion di COVID-19 ta uno hopi serio y ta nos comportacion como ciudadano di e Pais aki ta locual ta bay defini con Pais Aruba ta bay logra surpasa e crisis.

E mandatario a haci un yamada na nos pueblo pa ban ta solidario, awor mas cu nunca y ban yuda otro, specialmente esnan mas vulnerabel pa hunto nos por surpasa e crisis.



## Sin pasahero y cu riesgo di salud no ta cumbini hopi bus chikito pa sigui core

**ORANJESTAD— Den un temporada di crisis unda tur persona rond mundo den paisnan cu casonan di Covid-19 mester tene cuenta cu touch cosnan manera porta di auto, laba man frecuentemente y mantene un distancia aleha di otro persona, esaki ta bira un reto pa transporte publico cual riba su mes ta un servicio den cual hende ta aglomerado pero cu hopi hende ta depende di dje.**

Ya desde 17 di maart Arubus a anuncia cu ta tuma medida pa asina aporta na minimalisa e plamamento di Covid-19 den comunidad Rubiano. Arubus a implementa un maneho di exigi pasahero cu subi nan busnan pa laba man, si no, no ta laga e pasahero drenta.

Esaki ta keda contrasta cu e situacion den cual chauffeur y tambe pasahero di bus chikito ta haya nan mes mirando e medidanan cu Departamento di Transporte Publico (DTP) a conseha chauffeur di bus chikito di tur ruta pa implementa, bou

cual ta inclui laga solamente 1 persona sinta den cada rij di asiento y pa ofrece hand sanitizer pa tur pasahero na momento di subi. Pero esaki tin su consecucionnan tanto pa e chauffeur su entrada, mientras e ta algo dificil pa implementa mirando e echo cu e autobusnan ta chikito y cu cada persona ta paga cash, y hopi biaha mientras ta den bus, si ta sinta patras, ta paga por medio di manda e placa dilanti, cu cada persona den rij pasando esaki dilanti te ora cu e yega na e chauffeur.

Bon Dia a bay tira bista na e central unda autobus cu ta core e ruta San Nicolas-Oranjestad ta parkeer, y tabata remarcabel cu cada chauffeur di autobus ta lidiando cu e situacion aki den diferente manera, mescos cu ta mira den publico en general. Chauffeur di Bus 99 por ehempel, tabata hopi consciente pa mitiga e plamamento di e virus cu te awo ta contene bastante bon y no a plama ampliamente riba nos isla. E chauffeur tin hand sanitizer cla pa pasahero, y e ta purba haci su best pa conscientisa

su clientenan con miho pa comporta den bus pa evita cualkier posibel transmision.

Sinembargo, chauffeurnan ta limita den loke nan por brinda nan clientenan mirando cu cada dia tin menos hende riba caya cu ta uzando nan como transporte, ademas cu e scarsedad y limitacion di fondo ta haci cu algun chauffeur no por zorg pa stock nan vehiculo cu suficiente hand sanitizer pa tur nan pasahero.

Den combersacion cu Lisette Winklaar, kende ta representa Comision di Autobus di San Nicolas, a bin na cla cu tin varios di su coleganan cu a stop completamente cu core bus, pa via di e preocupacionnan di salud. Winklaar a conta Bon Dia cu tin colega cu no a tripi pa core mas, pasobra nan tin yiu cu tin asma y e chauffeur ta consciente cu e ta expone su mes na transmision, cual lo por yega na su yiu y crea complicacionnan serio p'e, si e mester bin den contacto cu e virus. "Nan no tin e durf di bay riba caya pa no bin cas cu ningun virus pa pega nan famia", Winklaar a

conta. Winklaar a conta e medio aki cu pa loke ta trata e situacion financiero di e chauffeurnan, el a nota cu tin basta colega cu ta kedando cas, sea pa preocupacion pa salud, of pa via cu no tin casi hende riba caya. Nos a puntra Winklaar si e chauffeurnan ta sperando algun ayudo di gobierno, pa cual Winklaar a comenta cu nan no tin expectativa pa ricibi ningun ayudo pero si nan lo ta gradici pa cualkier sosten. Den mesun rosea a puntra Winklaar si e Fondo di Asistencia Social di Emergencia (FASE) lo por ta un ayudo cu lo por aporta na nan, y el a comenta cu no ta conoci pa nan si nan por aplica pa esaki. Bon Dia a tuma contacto cu ministerio di Asuntonan Social y vocero Gisette Croes a bisa cu ta 'sigur' cu nan por aplica.

Winklaar a conta cu actualmente no ta bal la pena pa chauffeur core e distancia largo di Playa pa San Nicolas alabes cumpliendo cu protocol pa salud, cual lo resulta cu cada trip lo por mag di tin 4

pasahero so alabes, compara cu e number regular di mas o menos 11 pasahero, dependiendo di e bus. Winklaar a remarca cu "cu 4 hende bo ta logra cubri net e diesel pa e distancia ey, p'esey tin hopi hende ta dicidi di keda cas. E no ta cumbini bo. Pa bay haci esey, ta miho keda cas pasobra uno, ta bay core riesgo cu salud pa tiki placa, y tin riesgo di trece un virus cas cu famia no a pidi p'e."

Finalmente, mescos cu tin persona den poblacion cu no ta tuma e situacion aki serio, tambe tin persona chauffeur di bus chikito cu no ta suministra pasahero cu hand sanitizer of ta tuma otro medida pa proteha e pasaheronan y nan mes. Winklaar a bisa cu e grupo aki ta chikito, kiermen no lo tin mas cu un par di chauffeur cu no ta siguiendo e liñanan di guia, pero si a haci un esfuerso di nan parti pa informa otro como colega. "Bo ta weita cu nan no tin interes. Mi ta supone cu pa e grupito ey DTP of gobierno lo mester tuma medida cu e grupito ey cu no ta tumando e caso aki na serio".

### Sin gremio periodistico

## Solamente excepcion limita pa prensa durante toque de queda

**SOCIEDAD INTERAMERICANA DE PRENSA**  
**INTER AMERICAN PRESS ASSOCIATION**  
**SOCIEDADE INTERAMERICANA DE IMPRENSA**

3511 NW 91 Avenue  
 Miami, Florida 33172  
 Tel: (305) 634-2465  
 Fax: (305) 860-4264  
 E-mail: info@siipa.org  
 Internet: http://www.siipa.org

March 20, 2020


Prime Minister of Aruba  
 Evelyn Wever-Croes  
 Oranjestad, Aruba

Dear Prime Minister,


On behalf of the Inter-American Press Association (IAPA), an organization dedicated to the defense and promotion of press freedom, we express our concern upon learning that Aruba's recently announced nation-wide curfew to counter COVID-19, does not consider media and journalism as essential service providers to your society.

We urge you to reconsider this measure and to allow the media and journalists to work without restrictions; a position supported by the Declaration of Chapultepec, the Declaration of Principles on Freedom of Expression and numerous international treaties that recognize freedom of the press and expression as essential tasks.

We share your view that the safety of your citizens -our members- is paramount, however, in exceptional situations such as the one caused by this pandemic, the media and journalists, not dissimilar to your health authorities and security forces, fulfill the vital role of providing essential services to Aruba's citizens by reporting on and sharing information in the public's interest.



Christopher Barnes  
 President  
 IAPA



Roberto Rock  
 President  
 Comm. on Freedom of the Press and Inf.

**ORANJESTAD— Despues cu gobierno a implementa un toque de queda, tabatin coleganan di prensa cu a haya esaki ta limita nan pa por haci nan trabou, cual ta algo importante den sociedad democratico. Asina tin periodista a bay alerta Nederlandse Vereniging van Journalisten (SIP) y Sociedad Interamericana di Prensa (SIP).**

SIP a manda un carta bisando cu a base di Declaracion di Chapultepec no por limita proceso di traha noticia pa periodista. Sinembargo Premier Evelyn Wever-Croes (MEP) no ta haya cu por duna excepcion pa esaki mirando cu no tin un gremio periodistico cu ta regula kende ta periodista y ken no na nos isla.

Periodista di portal 24ora.com Marko Espinoza-Cangahuala, kende alabes ta vice-presidente di e comision pa libertad di prensa di e SIP pa Aruba a conta Bon Dia cu a manda un carta pa gobierno di Aruba, Ministerio Publico y NVJ unda ta detaya cu na Aruba ta limita periodistanan pa haci nan trabou por medio di e toque de queda. E argumento principal cu SIP y Espinoza ta uza ta cu Aruba a bay di acuerdo cu e Declaracion di Chapultepec, segun SIP, riba dia 24 di mei 2004 ora

ex- prome minister Nelson Orlando Oduber a firma esaki. Espinoza a argumenta cu tin varios pais rond mundo cu actualmente tin un toque de queda, incluyendo Hulanda, pero cu e toque de queda aki ta considera trabou periodistico como esencial y ta duna exoneracion riba e limitacion pa ta na caya pa periodista.

Sinembargo Wever-Croes no ta di acuerdo cu esaki, bisando cu esaki no ta forma un limitacion pa traha noticia pasobra na Aruba no tin un gremio periodistico cu ta acredita periodistanan cu berdaderamente ta haci e trabou. "Na Aruba, cualkier persona por bay traha un papel bisando cu nan ta periodista", premier a bisa. E mandatario a enfatisa cu e trabou di bay riba caya anochi laat no por sigui, pero cu por depende riba departamentonan di PR di por ehempel Cuerpo Policial pa manda material na prensa pa asina nan por traha noticia den e orarionan stipula.

Na mes momento e matutino aki ta na altura cu trahadonan di corant en todo caso, cu ta traha turno anochi, ta haya un excepcion pero solamente pa ta riba caya den oranan laat pa yega directamente cas despues di trabou.